

- 2.001.01a त्वमग्ने द्युभिस्त्वमाशुशुक्षाणिस्त्वमद्भ्यस्त्वमश्मनस्परि ।
- 2.001.01c त्वं वनेभ्यस्त्वमोषधीभ्यस्त्वं नृणां नृपते जायसे शुचिः ॥
- 2.001.02a तवाग्ने होत्रं तव पोत्रमृत्वियं तव नेष्ट्रं त्वमग्निदृतायतः ।
- 2.001.02c तव प्रशास्त्रं त्वमध्वरीयसि ब्रह्मा चासि गृहपतिश्च नो दमे ॥
- 2.001.03a त्वमग्ने इन्द्रो वृषभः सतामसि त्वं विष्णुरुरुगायो नमस्यः ।
- 2.001.03c त्वं ब्रह्मा रयिविद्वह्मणस्पते त्वं विधर्तः सचसे पुरंध्या ॥
- 2.001.04a त्वमग्ने राजा वरुणो धृतव्रतस्त्वं मित्रो भवसि दस्म ईड्यः ।
- 2.001.04c त्वमर्यमा सत्पतिर्यस्य सम्भुजं त्वमंशो विदथे देव भाजयुः ॥
- 2.001.05a त्वमग्ने त्वष्टा विधते सुवीर्यं तव भ्रावो मित्रमहः सजात्यम् ।
- 2.001.05c त्वमाशुहेमा ररिषे स्वश्व्यं त्वं नरां शर्धो असि पुरूवसुः ॥
- 2.001.06a त्वमग्ने रुद्रो असुरो महो दिवस्त्वं शर्धो मारुतं पृक्ष ईशिषे ।
- 2.001.06c त्वं वातैररुणैर्यासि शंगयस्त्वं पूषा विधतः पासि नु त्मना ॥
- 2.001.07a त्वमग्ने द्रविणोदा अरंकृते त्वं देवः सविता रत्नधा असि ।
- 2.001.07c त्वं भगो नृपते वस्व ईशिषे त्वं पायुर्दमे यस्तेऽविधत् ॥
- 2.001.08a त्वामग्ने दम आ विशपतिं विशस्त्वां राजानं सुविदत्रमृञ्जते ।
- 2.001.08c त्वं विश्वानि स्वनीक पत्यसे त्वं सहस्राणि शता दश प्रति ॥

- 2.001.09a त्वामग्ने॑ पित॑रमि॒ष्टिभिर्न॑रस्त्वां॒ भ्रा॒त्राय॑ श॒म्या॑ त॒नू॒रु॒चम् ।
- 2.001.09c त्वं पु॒त्रो भव॑सि॒ यस्तेऽवि॑धत्त्वं सखा॒ सुशे॑वः पा॒स्याधृ॑षः ॥
- 2.001.10a त्वम॒ग्न ऋ॒भुरा॒के न॒मस्य॑श्स्त्वं वा॒जस्य॑ क्षु॒मतो॑ रा॒य ई॒शिषे॑ ।
- 2.001.10c त्वं वि॒ भास्य॑नु॒ दक्षि॑ दा॒वने॒ त्वं वि॒शि॒क्षुर॑सि॒ यज्ञ॑मा॒तनिः॑ ॥
- 2.001.11a त्वमग्ने॑ अ॒दि॒तिर्दे॒व दा॒शुषे॑ त्वं हो॒त्रा भा॑रती॒ वर्ध॑से गि॒रा ।
- 2.001.11c त्वमि॒च्छा श॑तहि॒मासि॑ द॒क्षसे॒ त्वं वृ॒त्रहा॑ वसु॒पते॑ सर॒स्वती॑ ॥
- 2.001.12a त्वमग्ने॑ सु॒भृत॑ उ॒त्तमं॑ व॒यस्तव॑ स्पा॒र्हो वर्ण॑ आ॒ संदृ॑शि॒ श्रियः॑ ।
- 2.001.12c त्वं वा॒जः प्र॑तर॒णो बृ॑ह॒न्नसि॑ त्वं र॒यिर्ब॑हु॒लो वि॒श्वत॑स्पृथुः ॥
- 2.001.13a त्वाम॒ग्न आ॒दि॒त्यास॑ आ॒स्यंश् त्वां जि॒ह्वां शु॑च॒यश्च॑क्रिरे॒ कवे॑ ।
- 2.001.13c त्वां रा॒तिषा॑चो अ॒ध्वरे॑षु स॒श्विरे॒ त्वे दे॒वा ह॒विर॑द॒न्त्याहु॑तम् ॥
- 2.001.14a त्वे अ॒ग्ने वि॒श्वे अ॒मृता॑सो अ॒द्रुह॑ आ॒सा दे॒वा ह॒विर॑द॒न्त्याहु॑तम् ।
- 2.001.14c त्वया॒ मर्ता॑सः स्व॒दन्त॑ आ॒सुतिं॒ त्वं गर्भो॑ वी॒रुधां॑ जज्ञि॒षे शु॒चिः ॥
- 2.001.15a त्वं तान्सं॑ च प्र॒ति चा॑सि॒ मज्म॑नाग्ने॒ सुजा॑त प्र च दे॒व रि॑च्यसे ।
- 2.001.15c पृ॒क्षो यद॑त्र॒ महि॑ना वि॒ ते भु॒वद॑नु॒ द्यावा॑पृथि॒वी रो॑दसी॒ उभे॑ ॥
- 2.001.16a ये स्तो॑तृ॒भ्यो गो॑अ॒ग्राम॑श्चपेशसमग्ने॒ राति॑मु॒पसृ॑जन्ति॒ सूर॑यः ।
- 2.001.16c अ॒स्माञ्च ताँश्च॑ प्र हि॒ नेषि॑ व॒स्य आ॒ बृ॒हद्व॑दे॒म वि॒दथे॑ सु॒वीराः॑ ॥
- 2.002.01a यज्ञे॑न॒ वर्ध॑त॒ जात॑वे॒दस॑मग्निं॒ यज॑ध्वं ह॒विषा॑ तना॒ गिरा॑ ।

- 2.002.01c स॒मि॒धा॒नं॑ सु॒प्र॒य॒सं॑ स्व॒र्गा॒रं॑ द्यु॒त्तं॑ हो॒ता॒रं॑ वृ॒ज॒ने॒षु॑ धूर्ष॒द॒म् ॥
- 2.002.02a अ॒भि॒ त्वा॒ न॒क्ती॑रुष॒सो॑ ववा॒शि॒रेऽग्ने॑ व॒त्सं॑ न स्व॒स॒रे॒षु॑ धे॒न॒वः॑ ।
- 2.002.02c दि॒व इ॒वे॒द॒र॒ति॒र्मा॒नु॒षा॑ यु॒गा॒ क्ष॒पो॑ भा॒सि॑ पु॒रु॒वा॒र॒ सं॒य॒तः॑ ॥
- 2.002.03a तं॑ दे॒वा बु॒ध्ने॑ र॒ज॒सः॑ सु॒दं॒स॒सं॑ दि॒व॒स्पृ॒थि॒व्यो॒र॒र॒तिं॑ न्ये॒रि॒रे॑ ।
- 2.002.03c रथ॑मि॒व वे॒द्यं शु॒क्र॒शो॒चि॒ष॒म॒ग्निं॑ मि॒त्रं॑ न क्षि॒ति॒षु॑ प्र॒शं॒स्य॒म् ॥
- 2.002.04a त॒मु॒त्त॒मा॒णं॑ र॒ज॒सि॑ स्व आ॒ द॒मे॑ च॒न्द्र॒मि॒व॑ सु॒रु॒चं॑ ह्यार॒ आ॒ द॒धुः॑ ।
- 2.002.04c पृ॒श्न्याः॑ प॒तरं॑ चि॒त॒य॒न्त॒म॒क्ष॒भिः॑ पा॒थो॒ न पा॒युं॑ ज॒न॒सी॒ उ॒भे॒ अ॒नु ॥
- 2.002.05a स॒ हो॒ता॒ वि॒श्वं॑ प॒रि॑ भू॒त्व॒ध्व॒रं॑ त॒मु॒ ह॒व्यै॒र्म॒नु॒ष ऋ॒ञ्ज॒ते॑ गि॒रा॒ ।
- 2.002.05c हि॒रि॒शि॒प्रो॑ वृ॒ध॒सा॒ना॒सु॑ ज॒र्भु॒र॒द्द॒यौ॒र्न॑ स्तृ॒भि॒श्चि॒त॒य॒द्रो॒द॒सी॑ अ॒नु ॥
- 2.002.06a स॒ नो॑ रे॒व॒त्स॒मि॒धा॒नः॑ स्व॒स्त॒ये॑ सं॒द॒द॒स्वा॒न्न॒यि॒म॒स्मा॒सु॑ दी॒दि॒हि॑ ।
- 2.002.06c आ॒ नः॑ कृ॒णु॒ष्व सु॒वि॒ता॒य॒ रो॒द॒सी॑ अ॒ग्ने॑ ह॒व्या॒ म॒नु॒षो॑ दे॒व वी॒त॒ये॑ ॥
- 2.002.07a दा॒ नो॑ अ॒ग्ने॑ बृ॒ह॒तो॒ दाः॑ स॒ह॒स्त्रि॒णो॑ दु॒रो॒ न वा॒जं॑ श्रु॒त्या॒ अ॒पा॒ वृ॒धि॑ ।
- 2.002.07c प्रा॒ची॒ द्या॒वा॒पृ॒थि॒वी॒ ब्र॒ह्म॒णा॑ कृ॒धि॒ स्व॒र्ष॒णं॑ शु॒क्र॒मु॒ष॒सो॒ वि॒ दि॒द्यु॒तः॑ ॥
- 2.002.08a स॒ इ॒धा॒न॒ उ॒ष॒सो॑ रा॒म्या॒ अ॒नु॒ स्व॒र्ष॒णं॑ दी॒दे॒द॒रु॒षे॒ण॑ भा॒नु॒ना॑ ।
- 2.002.08c हो॒त्रा॒भि॒र॒ग्नि॒र्म॒नु॒षः॑ स्व॒ध्व॒रो॒ राजा॑ वि॒शा॒म॒ति॒थि॒श्चा॒रु॒रा॒य॒वे॑ ॥
- 2.002.09a ए॒वा॒ नो॑ अ॒ग्ने॑ अ॒मृ॒ते॒षु॑ पू॒र्व्यं॑ धी॒ष्पी॒पा॒य॒ बृ॒ह॒द्दि॒वेषु॑ मा॒नु॒षा॑ ।
- 2.002.09c दु॒हा॒ना॒ धे॒नु॒र्वृ॒ज॒ने॒षु॑ का॒र॒वे॑ त्म॒ना॒ श॒ति॒नं॑ पु॒रु॒रूप॑मि॒ष॒णि॑ ॥
- 2.002.10a व॒य॒म॒ग्ने॑ अ॒र्व॒ता॒ वा॒ सु॒वी॒र्यं॑ ब्र॒ह्म॒णा॒ वा॒ चि॒त॒ये॒मा॒ ज॒नाँ॑ अ॒ति॑ ।

- 2.002.10c अ॒स्माकं॑ द्यु॒म्नमधि॑ प॒ञ्च कृ॒ष्टिषू॒च्चा स्व॑र्णं शु॒शुची॑त दु॒ष्टर॑म् ॥
- 2.002.11a स नो॑ बोधि॑ सहस्य॑ प्रशंस्यो॑ यस्मिन्सुजा॒ता इष॑यन्त॒ सूरयः॑ ।
- 2.002.11c यम॑ग्ने य॒ज्ञमु॑पयन्ति॒ वाजिनो॑ नित्ये॑ तोके॑ दी॒दिवांसं॑ स्वे द॒मे ॥
- 2.002.12a उ॒भया॑सो जा॒तवे॑दः स्याम॑ ते स्तो॒तारो॑ अ॒ग्ने सूर॑यश्च श॒र्मणि॑ ।
- 2.002.12c व॒स्वो रा॑यः पुरु॒श्चन्द्र॑स्य भू॒यसः॑ प्रजा॒वतः॑ स्व॒पत्य॑स्य श॒ग्धि नः॑ ॥
- 2.002.13a ये स्तो॑तृ॒भ्यो गो॑अ॒ग्राम॑श्चपेशसम॒ग्ने रा॒तिमु॑पसृजन्ति॒ सूरयः॑ ।
- 2.002.13c अ॒स्माञ्च ताँश्च॑ प्र हि॒ नेषि॑ वस्य॒ आ बृ॒हद्व॑देम॒ विदथे॑ सु॒वीराः॑ ॥
- 2.003.01a स॒मिद्धो॑ अ॒ग्निर्नि॑हितः पृथि॒व्यां प्र॒त्यङ्घ्रि॑व॒श्वानि॑ भुव॒नान्य॑स्थात् ।
- 2.003.01c होता॑ पा॒वकः॑ प्र॒दिवः॑ सु॒मेधा॑ दे॒वो दे॒वान्य॑जत्व॒ग्निर॑र्हन् ॥
- 2.003.02a न॒राशंसः॑ प्र॒ति धा॑मान्य॒ञ्जन्ति॒स्रो दि॒वः प्र॒ति म॒ह्ना स्व॑र्चिः ।
- 2.003.02c घृ॒तपु॑षा म॒नसा॑ ह॒व्यमु॑न्दन्मूर्ध॒न्यज्ञ॑स्य॒ सम॑नक्तु॒ देवान्॑ ॥
- 2.003.03a ई॒ळितो॑ अ॒ग्ने म॒नसा॑ नो अ॒र्हन्दे॒वान्य॑क्षि॒ मानु॑षात्पूर्वो॑ अ॒द्य ।
- 2.003.03c स आ॑ वह॒ मरु॑तां श॒र्धो अ॒च्यु॑तमिन्द्रं॒ नरो॑ ब॒र्हिष॑दं यजध्वम् ॥
- 2.003.04a दे॒व ब॒र्हिर्व॑र्ध॒मानं॑ सु॒वीरं॑ स्ती॒र्णं रा॒ये सु॒भरं॑ वेद्यस्याम् ।
- 2.003.04c घृ॒तेना॑क्तं वसवः॑ सीदतेदं॒ विश्वे॑ दे॒वा आ॑दित्या य॒ज्ञिया॑सः ॥
- 2.003.05a वि श्र॑यन्तामुर्वि॒या हू॒यमा॑ना॒ द्वारो॑ दे॒वीः सु॒प्राय॑णा नमोभिः ।
- 2.003.05c व्य॒चस्व॑तीर्वि॒ प्रथ॑न्तामजु॒र्या व॑र्णं पु॒नाना॑ यशसं सु॒वीर॑म् ॥

- 2.003.06a साध्वपांसि सनता न उक्षिते उषासानक्ता वय्येव रणिवते ।
- 2.003.06c तन्तुं ततं संवयन्ती समीची यज्ञस्य पेशः सुदुघे पयस्वती ॥
- 2.003.07a दैव्या होतारा प्रथमा विदुष्टर ऋजु यक्षतः समृचा वपुष्टरा ।
- 2.003.07c देवान्यजन्तावृतुथा समञ्जतो नाभा पृथिव्या अधि सानुषु त्रिषु ॥
- 2.003.08a सरस्वती साधयन्ती धियं न इळा देवी भारती विश्वतूर्तिः ।
- 2.003.08c तिस्रो देवीः स्वधया बहिरैदमच्छिद्रं पान्तु शरणं निषद्य ॥
- 2.003.09a पिशङ्गरूपः सुभरो वयोधाः श्रुष्टी वीरो जायते देवकामः ।
- 2.003.09c प्रजां त्वष्टा वि ष्यतु नाभिमस्मे अथा देवानामप्येतु पाथः ॥
- 2.003.10a वनस्पतिरवसृजन्नृप स्थादग्निर्हविः सूदयाति प्र धीभिः ।
- 2.003.10c त्रिधा समक्तं नयतु प्रजानन्देवेभ्यो दैव्यः शमितोप हव्यम् ॥
- 2.003.11a घृतं मिमिक्षे घृतमस्य योनिर्घृते श्रितो घृतम्बस्य धाम ।
- 2.003.11c अनुष्वधमा वह मादयस्व स्वाहाकृतं वृषभ वक्षि हव्यम् ॥

- 2.004.01a हुवे वः सुद्योत्मानं सुवृक्तिं विशामग्निमतिथिं सुप्रयसम् ।
- 2.004.01c मित्र इव यो दिधिषाय्यो भूहेव आदेवे जने जातवेदाः ॥
- 2.004.02a इमं विधन्तो अपां सधस्थे द्वितादधुर्भृगवो विच्चाश्योः ।
- 2.004.02c एष विश्वान्यभ्यस्तु भूमा देवानामग्निररतिर्जीराश्वः ॥
- 2.004.03a अग्निं देवासो मानुषीषु विक्षु प्रियं धुः क्षेप्यन्तो न मित्रम् ।

- 2.004.03c स दी॑दय॒दुश॑ती॒रूम्या॑ आ द॒क्षा॑य्यो॒ यो दा॑स्वते॒ दम॑ आ ॥
- 2.004.04a अस्य॑ र॒गवा॑ स्व॒स्येव॑ पु॒ष्टिः सं॑दृष्टि॒रस्य॑ हि॒यान॑स्य द॒क्षोः ।
- 2.004.04c वि॒ यो भरि॑भ्रदोष॒धीषु॑ जि॒ह्वा॒मत्यो॑ न रथ्यो॑ दो॒धवी॑ति॒ वारा॑न् ॥
- 2.004.05a आ यन्मे॑ अ॒भ्वं व॒नदः॑ प॒नन्तो॑शि॒ग्भ्यो॒ नामि॑मीत॒ वर्ण॑म् ।
- 2.004.05c स चि॒त्रेण॑ चि॒किते॑ रंसु॒ भासा॑ जु॒जुर्वो॑ यो मु॒हुरा॑ यु॒वा भू॑त् ॥
- 2.004.06a आ यो व॒ना ता॑तृषा॒णो न॑ भाति॒ वार्ण॑ पथा॒ रथ्ये॑व॒ स्वानी॑त् ।
- 2.004.06c कृ॒ष्णाध्वा॑ तपू॒ रग॑वश्चि॒केत॑ द्यौरि॒व स्म॑य॒मानो॑ नभो॒भिः ॥
- 2.004.07a स यो व्य॑स्था॒दभि॑ द॒क्षदु॑र्वी॒ पशु॑र्नैति॒ स्वयु॑रगो॒पाः ।
- 2.004.07c अ॒ग्निः शो॒चिष्माँ॑ अ॒तसा॑न्यु॒ष्णान्कृ॑ष्णव्यथि॒रस्व॑द॒यन्न॑ भूम ॥
- 2.004.08a नू ते॒ पूर्व॑स्या॒वसो॑ अधी॒तौ तृ॑तीये॒ विद॑थे॒ मन्म॑ शंसि ।
- 2.004.08c अ॒स्मे अ॒ग्ने सं॒यद्वी॑रं बृ॒हन्तं॑ क्षु॒मन्तं॑ वा॒जं स्व॑प॒त्यं रयि॑ं दाः ॥
- 2.004.09a त्वया॑ यथा॒ गृत्स॑मदा॒सो अ॒ग्ने गु॒हा व॒न्वन्त॑ उप॒राँ अ॒भि ष्युः ।
- 2.004.09c सु॒वीरा॑सो अ॒भिमा॑तिषा॒हः स्मत्सू॑रि॒भ्यो गृ॑णते॒ तद्व्यो॑ धाः ॥

- 2.005.01a हो॒ताज॑निष्ट॒ चेत॑नः॒ पिता॑ पि॒तृभ्य॑ ऊ॒तये॑ ।
- 2.005.01c प्र॒यक्ष॑ञ्जे॒न्यं व॑सु॒ शके॑म॒ वाजि॑नो॒ यम॑म् ॥
- 2.005.02a आ यस्मि॑न्स॒प्त र॑श्म॒यस्त॑ता॒ यज्ञ॑स्य॒ नेत॑रि ।
- 2.005.02c म॒नुष्व॑द्वै॒व्यम॑ष्ट॒मं पो॑ता॒ विश्वं॑ तदि॒न्वति॑ ॥

- 2.005.03a द॒ध॒न्वे॒ वा॒ यदी॒म॒नु॒ वो॒च॒द्ब्र॒ह्मा॒णि॒ वे॒रु॒ तत् ।
- 2.005.03c परि॒ विश्वा॒नि॒ का॒व्या॒ ने॒मि॒श्च॒क्र॒मि॒वा॒भ॒वत् ॥
- 2.005.04a सा॒कं॒ हि॒ शु॒चि॒ना॒ शु॒चिः॒ प्र॒शा॒स्ता॒ क्र॒तु॒ना॒ज॒नि ।
- 2.005.04c वि॒द्वौ॒ अ॒स्य॒ व्र॒ता॒ ध्रु॒वा॒ व॒या॒ इ॒वा॒नु॒ रो॒ह॒ते ॥
- 2.005.05a ता॒ अ॒स्य॒ वर्ण॑मा॒यु॒वो॒ ने॒ष्टुः॒ स॒च॒न्त॒ धे॒न॒वः ।
- 2.005.05c कु॒वि॒त्ति॒सृ॒भ्य॒ आ॒ व॒रं॒ स्व॒सा॒रो॒ या॒ इ॒दं॒ य॒युः ॥
- 2.005.06a यदी॒ मा॒तु॒रु॒प॒ स्व॒सा॒ घृ॒तं॒ भ॒र॒न्त्य॒स्थि॒त ।
- 2.005.06c ता॒सा॒म॒ध्व॒र्यु॒रा॒ग॒तौ॒ य॒वो॒ वृ॒ष्टी॒व॒ मो॒द॒ते ॥
- 2.005.07a स्वः॒ स्वा॒य॒ धा॒य॒से॒ कृ॒णु॒ता॒मृ॒त्वि॒गृ॒त्वि॒ज॒म् ।
- 2.005.07c स्तो॒मं॒ य॒ज्ञं॒ चा॒द॒रं॒ व॒ने॒मा॒ र॒रि॒मा॒ व॒य॒म् ॥
- 2.005.08a यथा॒ वि॒द्वौ॒ अ॒रं॒ क॒र॒द्वि॒श्वे॒भ्यो॒ य॒ज॒ते॒भ्यः ।
- 2.005.08c अ॒य॒म॒ग्ने॒ त्वे॒ अ॒पि॒ यं॒ य॒ज्ञं॒ च॒कृ॒मा॒ व॒य॒म् ॥
- 2.006.01a इ॒मां॒ मे॒ अ॒ग्ने॒ स॒मि॒ध॒मि॒मा॒मु॒प॒स॒दं॒ व॒नेः ।
- 2.006.01c इ॒मा॒ उ॒ षु॒ श्रु॒धी॒ गि॒रः ॥
- 2.006.02a अ॒या॒ ते॒ अ॒ग्ने॒ वि॒धे॒मो॒र्जो॑ न॒पा॒द॒श्व॒मि॒ष्टे ।
- 2.006.02c ए॒ना॒ सू॒क्ते॒न॒ सु॒जा॒त ॥
- 2.006.03a तं॒ त्वा॒ गी॒भिर्गि॒र्वि॒ण॒सं॒ द्र॒वि॒ण॒स्युं॒ द्र॒वि॒णो॒दः ।

- 2.006.03c स॒पर्ये॑म॒ स॒पर्य॑वः ॥
- 2.006.04a स॒ बो॑धि॒ सू॒रि॒र्म॒घ॒वा॒ व॒सु॒प॒ते॒ व॒सु॒दा॒व॒न् ।
- 2.006.04c यु॒यो॒ध्य॑श्॒स्मद्द्वे॑षांसि ॥
- 2.006.05a स॒ नो॑ वृ॒ष्टिं॑ दि॒व॒स्परि॑ स॒ नो॑ वा॒ज॒म॒न॒र्वा॒ण॒म् ।
- 2.006.05c स॒ नः॑ स॒ह॒स्त्रि॒णी॒रि॒षः ॥
- 2.006.06a ई॒ळा॒ना॒या॒व॒स्य॑वे॒ य॒वि॒ष्ठ॑ दू॒त॒ नो॑ गि॒रा ।
- 2.006.06c य॒जि॒ष्ठ॑ हो॒तरा॑ ग॒हि ॥
- 2.006.07a अ॒न्त॒र्ह्य॑ग्न॒ ई॒य॒से॑ वि॒द्वा॒ञ्ज॒न्मो॑भया॒ क॒वे ।
- 2.006.07c दू॒तो॑ ज॒न्ये॑व॒ मि॒त्र्यः ॥
- 2.006.08a स॒ वि॒द्वाँ॑ आ॒ च॒ पि॒प्र॒यो॒ य॒त्ति॑ चि॒कित्त्व॑ आ॒नु॒ष॒क् ।
- 2.006.08c आ॒ चा॒स्मि॒न्स॑त्सि॒ ब॒र्हि॑षि ॥
- 2.007.01a श्रे॒ष्ठं॑ य॒वि॒ष्ठ॑ भा॒र॒ता॒ग्ने॑ द्यु॒म॒न्त॒मा॒ भर॑ ।
- 2.007.01c व॒सो॑ पु॒रु॒स्पृ॒हं॑ र॒यि॒म् ॥
- 2.007.02a मा॒ नो॑ अ॒रा॒ति॒री॒श॒त॑ दे॒व॒स्य॑ म॒र्त्य॑स्य च ।
- 2.007.02c प॒र्षि॑ त॒स्या॒ उ॒त॒ द्वि॒षः ॥
- 2.007.03a वि॒श्वा॑ उ॒त॒ त्व॒या॒ व॒यं॑ धा॒रा॒ उ॒द॒न्या॑ इ॒व ।
- 2.007.03c अ॒ति॑ गा॒हे॒म॒हि॑ द्वि॒षः ॥



- 2.007.04a शुचिः पावक वन्द्योऽग्ने बृहद्वि रोचसे ।
- 2.007.04c त्वं घृतेभिराहुतः ॥
- 2.007.05a त्वं नो असि भारताग्ने वशाभिरुक्षभिः ।
- 2.007.05c अष्टापदीभिराहुतः ॥
- 2.007.06a द्रवन्नः सर्पिरासुतिः प्रत्नो होता वरेण्यः ।
- 2.007.06c सहसस्पुत्रो अद्भुतः ॥
- 2.008.01a वाजयन्निव नू रथान्योगाँ अग्नेरुप स्तुहि ।
- 2.008.01c यशस्तमस्य मीळ्हुषः ॥
- 2.008.02a यः सुनीथो ददाशुषेऽजुर्यो जयन्नरिम् ।
- 2.008.02c चारुप्रतीक आहुतः ॥
- 2.008.03a य उ श्रिया दमेष्वा दोषोषसि प्रशस्यते ।
- 2.008.03c यस्य व्रतं न मीयते ॥
- 2.008.04a आ यः स्वर्णं भानुना चित्रो विभात्यर्चिषा ।
- 2.008.04c अञ्जानो अजरैरभि ॥
- 2.008.05a अत्रिमनु स्वराज्यमग्निमुक्थानि वावृधुः ।
- 2.008.05c विश्वा अधि श्रियो दधे ॥
- 2.008.06a अग्नेरिन्द्रस्य सोमस्य देवानामूतिभिर्वयम् ।

- 2.008.06c अरिष्यन्तः सचेमह्यभि ष्याम पृतन्यतः ॥
- 2.009.01a नि होता होतृषदने विदानस्त्वेषो दीदिवाँ असदत्सुदत्तः ।
- 2.009.01c अदब्धव्रतप्रमतिर्वसिष्ठः सहस्रम्भरः शुचिजिह्वो अग्निः ॥
- 2.009.02a त्वं दूतस्त्वमु नः परस्पास्त्वं वस्य आ वृषभ प्रणेता ।
- 2.009.02c अग्ने तोकस्य नस्तने तनूनामप्रयुच्छन्दीद्यद्वोधि गोपाः ॥
- 2.009.03a विधेम ते परमे जन्मन्नग्ने विधेम स्तोमैरवरे सधस्थे ।
- 2.009.03c यस्माद्योनेरुदारिथा यजे तं प्र त्वे हवीषि जुहुरे समिद्धे ॥
- 2.009.04a अग्ने यजस्व हविषा यजीयाञ्छुष्टी देष्णामभि गृणीहि राधः ।
- 2.009.04c त्वं ह्यसि रयिपती रयीणां त्वं शुक्रस्य वचसो मनोता ॥
- 2.009.05a उभयं ते न क्षीयते वसव्यं दिवेदिवे जायमानस्य दस्म ।
- 2.009.05c कृधि क्षुमन्तं जरितारमग्ने कृधि पतिं स्वपत्यस्य रायः ॥
- 2.009.06a सैनानीकेन सुविदत्रो अस्मे यष्टा देवाँ आयजिष्ठः स्वस्ति ।
- 2.009.06c अदब्धो गोपा उत नः परस्पा अग्ने क्षुमदुत रेवद्दिदीहि ॥
- 2.010.01a जोहूत्रो अग्निः प्रथमः पितेवेळस्पदे मनुषा यत्समिद्धः ।
- 2.010.01c श्रियं वसानो अमृतो विचेता मर्मजेन्यः श्रवस्यशः स वाजी ॥
- 2.010.02a श्रूया अग्निश्चित्रभानुर्हवं मे विश्वाभिर्गीर्भिरमृतो विचेताः ।

- 2.010.02c श्या॒वा रथं॑ व॒हतो॑ रोहि॒ता वो॒तारु॒षाह॑ च॒क्रे वि॒भृत्रः॑ ॥
- 2.010.03a उ॒त्ताना॑याम॒जन॒यन्सु॑षू॒तं भुव॑दग्निः॒ पुरु॑पेशासु॒ गर्भः॑ ।
- 2.010.03c शि॒रिणा॑यां चि॒दक्तु॑ना॒ महो॑भिर॒परी॑वृतो॒ वसति॑ प्र॒चेताः॑ ॥
- 2.010.04a जिघ॑र्म्यग्निं॒ हवि॑षा॒ घृते॑न॒ प्रति॑क्षि॒यन्तं॑ भुव॒नानि॑ वि॒श्वा ।
- 2.010.04c पृथुं॑ ति॒रश्चा॑ व॒यसा॑ बृ॒हन्तं॑ व्य॒चिष्ठ॑म॒न्नै रभ॑सं॒ दृशा॑नम् ॥
- 2.010.05a आ वि॒श्वतः॑ प्र॒त्यञ्चं॑ जिघ॑र्म्य॒रक्ष॑सा॒ मन॑सा॒ तज्जु॑षेत ।
- 2.010.05c मर्य॑श्री॒ स्पृह॑य॒द्वर्णो॑ अ॒ग्निर्ना॑भि॒मृशे॑ त॒न्वाश्॑ ज॒र्भुरा॑णः ॥
- 2.010.06a ज्ञेया॑ भा॒गं स॒हसा॑नो॒ वरे॑ण॒ त्वादू॑तासो॒ मनु॑वद्व॒देम॑ ।
- 2.010.06c अ॒नून॑म॒ग्निं जु॒ह्वा व॒च॒स्या म॒धुपृ॑चं॒ धन॑सा॒ जोह॑वीमि ॥
- 2.011.01a श्रु॒धी ह॒वमि॑न्द्र॒ मा रि॑ष॒ण्यः स्या॑म॒ ते दा॒वने॑ व॒सूना॑म् ।
- 2.011.01c इ॒मा हि॑ त्वा॒मूर्जो॑ वर्ध॒यन्ति॑ व॒सूय॑वः॒ सिन्ध॑वो॒ न क्ष॑रन्तः ॥
- 2.011.02a सृ॒जो म॒हीरि॑न्द्र॒ या अ॒पिन्वः॑ परि॒ष्ठिता॑ अ॒हिना॑ शूर॒ पूर्वीः॑ ।
- 2.011.02c अ॒मर्त्यं॑ चि॒दासं॑ म॒न्यमा॑नम॒वाभि॑नदु॒क्थैर्वा॑वृ॒धानः॑ ॥
- 2.011.03a उ॒क्थे॑ष्वि॒न्नु शूर॑ येषु॒ चाक॑न्स्तो॒मेष्वि॑न्द्र॒ रुद्रि॑येषु॒ च ।
- 2.011.03c तु॒भ्येदे॑ता॒ यासु॑ म॒न्दसा॑नः॒ प्र वा॒यवे॑ सि॒स्रते॑ न शु॒भ्राः ॥
- 2.011.04a शु॒भ्रं नु॒ ते शु॒ष्मं वर्ध॑यन्तः॒ शुभ्रं॑ व॒ज्रं बा॒होर्द॑धानाः ।
- 2.011.04c शु॒भ्रस्त्वमि॑न्द्र॒ वावृ॑धानो॒ अस्मे॑ दा॒सीर्वि॑शः॒ सूर्ये॑ण॒ सहाः॑ ॥

- 2.011.05a गुहा॑ हि॒तं गु॒ह्यं गू॒ळ्ह॒म॒प्स्व॒पी॒वृ॒तं मा॒यि॒नं द्धि॒य॒न्त॒म् ।
- 2.011.05c उ॒तो अ॒पो द्यां॑ त॒स्त॒भ्वांस॒म॒ह॒न्न॒हिं शूर॑ वी॒र्ये॑ण ॥
- 2.011.06a स्त॒वा नु॑ त इन्द्र॑ पू॒र्व्या॑ म॒हान्यु॒त स्त॒वाम॑ नू॒तना॑ कृ॒तानि॑ ।
- 2.011.06c स्त॒वा व॒ज्रं बा॒ह्वोरु॒श॒न्तं स्त॒वा ह॒री सूर्य॑स्य के॒तू ॥
- 2.011.07a ह॒री नु॑ त इन्द्र॑ वा॒ज॒य॒न्ता घृ॒तश्चु॒तं स्वा॒र॒म॒स्वा॒र्ष्टाम् ।
- 2.011.07c वि॒ सम॒ना भूमि॑रप्रथि॒ष्टारं॑स्त॒ पर्व॑तश्चि॒त्स॒रि॒ष्यन् ॥
- 2.011.08a नि॒ पर्व॑तः सा॒द्यप्र॑युच्छन्सं मा॒तृभि॑र्वा॒वशा॑नो अ॒क्रान् ।
- 2.011.08c दू॒रे पा॒रे वा॒णीं वर्ध॑यन्त इन्द्रे॑षि॒तां ध॒मनिं॑ पप्रथन्नि ॥
- 2.011.09a इन्द्रो॑ म॒हां सि॒न्धु॒मा॒श॒या॒नं मा॒या॒वि॒नं वृ॒त्र॒म॒स्फुर॑न्निः ।
- 2.011.09c अ॒रे॒जे॒तां रो॒द॒सी भि॒याने॑ क॒निक्र॑दतो वृ॒ष्णो॑ अस्य व॒ज्रात् ॥
- 2.011.10a अ॒रो॒र॒वी॒द्वृष्णो॑ अस्य व॒ज्रोऽमा॑नुषं यन्मा॒नुषो॑ नि॒जू॒र्वात् ।
- 2.011.10c नि॒ मा॒यि॒नो दा॒न॒व॒स्य मा॒या अ॒पा॒द॒य॒त्प॒पि॒वा॒न्सु॒त॒स्य ॥
- 2.011.11a पि॒वा॒पि॒बे॒दिन्द्र॑ शूर॑ सो॒मं म॒न्द॒न्तु॒ त्वा म॒न्दि॒नः सु॒ता॒सः ।
- 2.011.11c पृ॒ण॒न्त॒स्ते कु॒क्षी॑ वर्धयन्त्वि॒त्था सु॒तः पौ॒र इन्द्र॑माव ॥
- 2.011.12a त्वे॒ इन्द्रा॑प्य॒भूम॑ वि॒प्रा धि॒यं व॒नेम॑ ऋ॒त॒या स॒प॒न्तः ।
- 2.011.12c अ॒व॒स्य॒वो धी॑महि प्र॒श॒स्तिं स॒द्य॒स्ते रा॒यो दा॒वने॑ स्याम ॥
- 2.011.13a स्या॒म ते॑ त इन्द्र॑ ये त ऊ॒ती अ॒व॒स्य॒व ऊ॒र्ज॑ वर्धयन्तः ।
- 2.011.13c शु॒ष्मि॒न्त॒मं यं चा॒क॒नाम॑ दे॒वा॒स्मे र॒यिं रा॒सि वी॒र॒व॒न्त॒म् ॥

- 2.011.14a रा॒सि॒ क्षयं॑ रा॒सि॒ मि॒त्रम॒स्मे रा॒सि॒ शर्ध॑ इन्द्र॒ मारु॑तं नः ।
- 2.011.14c स॒जोष॑सो॒ ये च॑ म॒न्दसा॑नाः प्र वा॒यवः॑ पा॒न्त्यग्र॑णीतिम् ॥
- 2.011.15a व्य॒न्ति॒वन्तु॑ ये॒षु म॒न्दसा॑नस्तृ॒पत्सोमं॑ पा॒हि द्र॒ह्यदि॑न्द्र ।
- 2.011.15c अ॒स्मान्सु॑ पृ॒त्स्वा तरु॑त्राव॒र्धयो॑ द्यां बृ॒हद्भि॑रकैः ॥
- 2.011.16a बृ॒हन्त॑ इ॒न्नु ये॑ ते तरु॒त्रोव॑थेभिर्वा सु॒म्रमा॑विवासान् ।
- 2.011.16c स्तृ॒णाना॑सो ब॒र्हिः प॒स्त्याव॑त्त्वोता इ॒दिन्द्र॑ वा॒जम॑ग्मन् ॥
- 2.011.17a उ॒ग्रेष्वि॑न्नु शूर॒ म॒न्दसा॑नस्त्रि॒कद्रु॑केषु पा॒हि सोम॑मिन्द्र ।
- 2.011.17c प्र॒दोधु॑वच्छ्र॒मश्रु॑षु प्री॒णानो॑ या॒हि हरि॑भ्यां सु॒तस्य॑ पी॒तिम् ॥
- 2.011.18a धि॒ष्वा शवः॑ शूर॒ येन॑ वृ॒त्रम॑वाभि॒नदानु॑मौर्ण॒वाभम् ।
- 2.011.18c अ॒पावृ॑णो॒ज्योति॑रा॒र्याय॑ नि स॒व्यतः॑ सा॒दि द॑स्युरिन्द्र ॥
- 2.011.19a स॒नेम॑ ये त ऊ॒तिभि॑स्तर॒न्तो वि॒श्वा स्पृ॑ध आ॒र्येण॑ द॒स्यून् ।
- 2.011.19c अ॒स्मभ्यं॑ तत्त्वाष्ट्रं वि॒श्वरू॑पम॒रन्ध॑यः सा॒ख्यस्य॑ त्रि॒ताय॑ ॥
- 2.011.20a अ॒स्य सु॑वा॒नस्य॑ म॒न्दिन॑स्त्रि॒तस्य॑ न्य॒र्बुदं॑ वावृ॒धानो॑ अ॒स्तः ।
- 2.011.20c अ॒वर्त॑यत्सूर्यो॒ न च॒क्रं भि॒नद्व॑लमिन्द्रो अ॒ङ्गि॑रस्वान् ॥
- 2.011.21a नूनं॑ सा॒ ते प्र॑ति वरं॒ जरि॑त्रे दु॒हीय॑दिन्द्र दक्षि॒णा म॒घोनी॑ ।
- 2.011.21c शि॒क्षा स्तो॑तृ॒भ्यो मा॑ति॒ धग्भ॑गो नो बृ॒हद्व॑देम वि॒दथे॑ सु॒वीराः॑ ॥
- 2.012.01a यो जा॑त ए॒व प्र॑थमो॒ मन॑स्वान्दे॒वो दे॒वान्क्र॑तुना पर्य॒भूष॑त् ।

- 2.012.01c यस्य शुष्माद्रोदसी अभ्यसेतां नृम्णस्य महा स जनास इन्द्रः ॥
- 2.012.02a यः पृथिवीं व्यथमानामदृंहद्यः पर्वतान्प्रकुपितां अरम्णात् ।
- 2.012.02c यो अन्तरिक्षं विममे वरीयो यो घामस्तभ्रात्स जनास इन्द्रः ॥
- 2.012.03a यो हत्वाहिमरिणात्सप्त सिन्धून्यो गा उदाजदपधा वलस्य ।
- 2.012.03c यो अश्मनोरन्तरिणिं जजान संवृक्समत्सु स जनास इन्द्रः ॥
- 2.012.04a येनेमा विश्वा च्यवना कृतानि यो दासं वर्णमधरं गुहाकः ।
- 2.012.04c श्वघ्नीव यो जिगीवाँ लक्ष्माददर्यः पुष्टानि स जनास इन्द्रः ॥
- 2.012.05a यं स्मा पृच्छन्ति कुह सेति घोरमुतेमाहुर्नैषो अस्तीत्येनम् ।
- 2.012.05c सो अर्यः पुष्टीर्विज इवा मिनाति श्रदस्मै धत्त स जनास इन्द्रः ॥
- 2.012.06a यो रध्रस्य चोदिता यः कृशस्य यो ब्रह्मणो नाधमानस्य कीरेः ।
- 2.012.06c युक्तग्राव्णो योऽविता सुशिप्रः सुतसोमस्य स जनास इन्द्रः ॥
- 2.012.07a यस्याश्वासः प्रदिशि यस्य गावो यस्य ग्रामा यस्य विश्वे रथासः ।
- 2.012.07c यः सूर्यं य उषसं जजान यो अपां नेता स जनास इन्द्रः ॥
- 2.012.08a यं क्रन्दसी संयती विह्वयेते परेऽवर उभया अमित्राः ।
- 2.012.08c समानं चिद्रथमातस्थिवांसा नाना ह्वेते स जनास इन्द्रः ॥
- 2.012.09a यस्मान्न ऋते विजयन्ते जनासो यं युध्यमाना अवसे ह्वन्ते ।
- 2.012.09c यो विश्वस्य प्रतिमानं बभूव यो अच्युतच्युत्स जनास इन्द्रः ॥
- 2.012.10a यः शश्वतो महेनो दधानानमन्यमानाञ्छर्वा जघान ।

2.012.10c यः श॒धते॑ नानु॒ददा॑ति शृ॒ध्यां यो द॒स्योर्ह॑न्ता स जना॒स इन्द्रः॑ ॥

2.012.11a यः श॒म्बरं॑ पर्व॒तेषु॑ क्षि॒यन्तं॑ च॒त्वारि॑श्यां शर॒द्यन्व॑विन्दत् ।

2.012.11c ओ॒जाय॑मानं यो अ॒हिं ज॒घान॑ दानुं श॒यानं॑ स जना॒स इन्द्रः॑ ॥

2.012.12a यः स॒प्त॒र॒श्मि॒र्वृष॑भस्तुवि॒ष्मान॑वासृ॒जत्स॑त॒वि स॒प्त सि॒न्धून् ।

2.012.12c यो रौ॒हि॒णम॑स्फुरद्व॒ज्रबा॑हु॒र्द्याम॑रोहन्तं स जना॒स इन्द्रः॑ ॥

2.012.13a द्या॒वा चि॒दस्मै॑ पृथि॒वी न॑मेते शु॒ष्माच्चि॑दस्य पर्व॒ता भ॑यन्ते ।

2.012.13c यः सो॒मपा॑ नि॒चितो॑ व॒ज्रबा॑हुर्यो व॒ज्रह॑स्तः स जना॒स इन्द्रः॑ ॥

2.012.14a यः सु॒न्वन्त॑मवति यः प॒चन्तं॑ यः शंस॑न्तं यः श॒शमा॑नमू॒ती ।

2.012.14c यस्य॑ ब्र॒ह्म वर्ध॑नं यस्य सो॒मो य॒स्येदं॑ रा॒धः स जना॒स इन्द्रः॑ ॥

2.012.15a यः सु॒न्वते॑ प॒चते॑ दु॒ध आ चि॒द्वाजं॑ दर्द॒र्षि स॑ किला॒सि स॒त्यः ।

2.012.15c वयं॑ त इन्द्र॒ विश्व॑ह॒ प्रिया॑सः सु॒वीरा॑सो वि॒दथ॑मा वदेम ॥

2.013.01a ऋ॒तुर्जनि॑त्री तस्या॒ अप॑स्परि॒ मक्षू॑ जा॒त आ॒विश॑द्यासु व॒धते॑ ।

2.013.01c तदा॑हना॒ अभ॑वत्पि॒प्युषी॑ पयोऽंशोः पी॒यूषं॑ प्रथ॒मं तदु॑क्थ्यम् ॥

2.013.02a स॒ध्रीमा॑ यन्ति परि बिभ्र॒तीः पयो॑ विश्व॒प्स॒न्याय॑ प्र भ॒रन्त॑ भो॒जनम् ।

2.013.02c स॒मानो॑ अ॒ध्वा प्र॑वतामनु॒ष्यदे॑ यस्ताकृ॒णोः प्रथ॑मं सा॒स्युक्थ्यः॑ ॥

2.013.03a अ॒न्वेको॑ वदति॒ यद्ददा॑ति तद्रूपा॒ मिन॑न्तदपा॒ एक॑ ईयते ।

2.013.03c विश्वा॑ एकस्य वि॒नुद॑स्ति॒तिक्ष॑ते यस्ताकृ॒णोः प्रथ॑मं सा॒स्युक्थ्यः॑ ॥

- 2.013.04a प्रजाभ्यः पुष्टिं विभजन्त आसते रयिमिव पृष्ठं प्रभवन्तमायते ।
- 2.013.04c असिन्वन्दैष्टैः पितुरत्ति भोजनं यस्ताकृणोः प्रथमं सास्युकथ्यः ॥
- 2.013.05a अघाकृणोः पृथिवीं संदृशे दिवे यो धौतीनामहिहन्नारिणवपथः ।
- 2.013.05c तं त्वा स्तोमेभिरुदभिर्न वाजिनं देवं देवा अजनन्सास्युकथ्यः ॥
- 2.013.06a यो भोजनं च दयसे च वर्धनमार्द्रादा शुष्कं मधुमद्दुदोहित ।
- 2.013.06c स शेवधिं नि दधिषे विवस्वति विश्वस्यैक ईशिषे सास्युकथ्यः ॥
- 2.013.07a यः पुष्पिणीश्च प्रस्वश्च धर्मणाधि दाने व्यश्वनीरधारयः ।
- 2.013.07c यश्चासमा अजनो दिद्युतो दिव उरुरूर्वी अभितः सास्युकथ्यः ॥
- 2.013.08a यो नार्मरं सहवसुं निहन्तवे पृत्ताय च दासवेशाय चावहः ।
- 2.013.08c ऊर्जयन्त्या अपरिविष्टमास्यमुतैवाद्य पुरुकृत्सास्युकथ्यः ॥
- 2.013.09a शतं वा यस्य दश साकमाद्य एकस्य श्रुष्टौ यद्ध चोदमाविथ ।
- 2.013.09c अरज्जौ दस्यून्समुनब्दभीतये सुप्राव्यो अभवः सास्युकथ्यः ॥
- 2.013.10a विश्वेदनु रोधना अस्य पौंस्यं ददुरस्मै दधिरे कृत्तवे धनम् ।
- 2.013.10c षळस्तभ्रा विष्टिरः पञ्च संदृशः परि परो अभवः सास्युकथ्यः ॥
- 2.013.11a सुप्रवाचनं तव वीर वीर्यं यदेकेन क्रतुना विन्दसे वसु ।
- 2.013.11c जातूष्टिरस्य प्र वयः सहस्वतो या चकर्थ सेन्द्र विश्वास्युकथ्यः ॥
- 2.013.12a अरमयः सरपसस्तराय कं तुर्वीतये च वय्याय च स्तुतिम् ।
- 2.013.12c नीचा सन्तमुदनयः परावृजं प्रान्धं श्रोणं श्रवयन्सास्युकथ्यः ॥



- 2.013.13a अ॒स्मभ्यं॑ तद्व॒सो द॒नाय॑ रा॒धः स॒मर्थ॑यस्व॒ बहु॑ ते व॒सव्य॑म् ।
- 2.013.13c इन्द्र॑ यच्चि॒त्रं श्र॑वस्या॒ अनु॑ द्यू॒न्बृ॒हद्व॑देम॒ विदथे॑ सु॒वीराः॑ ॥
- 2.014.01a अ॒ध्वर्य॑वो भ॒रतेन्द्रा॑य सोम॒माम॑त्रेभिः॒ सिञ्च॑ता म॒द्यम॑न्धः ।
- 2.014.01c का॒मी हि॑ वी॒रः स॒दम॑स्य पी॒तिं जु॒होत॑ वृ॒ष्णे तदि॑देष॒ वष्टि॑ ॥
- 2.014.02a अ॒ध्वर्य॑वो यो अ॒पो व॒त्रिवा॑सं वृ॒त्रं ज॒घाना॑शन्येव॒ वृत्त॑म् ।
- 2.014.02c तस्मा॑ ए॒तं भ॒रत॑ तद्व॒शायं॑ ए॒ष इन्द्रो॑ अ॒र्हति॑ पी॒तिम॑स्य ॥
- 2.014.03a अ॒ध्वर्य॑वो यो दृ॒भीकं॑ ज॒घान॑ यो गा उ॒दाज॑दप॒ हि व॒लं वः॑ ।
- 2.014.03c तस्मा॑ ए॒तम॑न्तरि॒क्षे न॑ वा॒तमिन्द्रं॑ सोमै॒रोर्णु॑त॒ जूर्न॑ वस्त्रैः ॥
- 2.014.04a अ॒ध्वर्य॑वो य उ॒रणं॑ ज॒घान॑ नव॒ चख्वा॑सं नव॒तिं च॑ बा॒हून् ।
- 2.014.04c यो अ॒र्बुद॑मव॒ नीचा॑ ब॒बाधे॑ तमिन्द्रं॒ सोम॑स्य भृ॒थे हि॑नोत ॥
- 2.014.05a अ॒ध्वर्य॑वो यः स्व॒श्रं ज॒घान॑ यः शु॒ष्णाम॑शुषं॒ यो व्यं॑सम् ।
- 2.014.05c यः पि॒पुं नमु॑चिं॒ यो रु॑धि॒क्रां तस्मा॑ इन्द्रा॒यान्ध॑सो जु॒होत॑ ॥
- 2.014.06a अ॒ध्वर्य॑वो यः श॒तं श॑म्ब॒रस्य॑ पु॒रो वि॑भेदा॒श्मने॑व॒ पूर्वीः॑ ।
- 2.014.06c यो व॒र्चिनः॑ श॒तमिन्द्रः॑ स॒हस्र॑मपाव॒पद्भ॑रता सोम॒मस्मै॑ ॥
- 2.014.07a अ॒ध्वर्य॑वो यः श॒तमा॑ स॒हस्रं॑ भूम्या॒ उप॑स्थेऽव॒पज्ज॑घन्वान् ।
- 2.014.07c कु॒त्सस्या॑यो॒रति॑थि॒ग्वस्य॑ वी॒राभ्या॑वृ॒णाग्भ॑रता सोम॒मस्मै॑ ॥
- 2.014.08a अ॒ध्वर्य॑वो यन्न॒रः का॑मया॒ध्वे श्रु॑ष्टी॒ वह॑न्तो नशथा॒ तदि॑न्द्रे ।

- 2.014.08c ग॒भ॒स्ति॒पू॒तं॑ भ॒रत॑ श्रु॒ता॒ये॒न्द्रा॒य॒ सो॒मं॑ य॒ज्य॒वो॑ जु॒हो॒त ॥
- 2.014.09a अ॒ध्व॒र्य॒वः॑ क॒र्त॒ना॑ श्रु॒ष्टि॒म॒स्मै॑ व॒ने॒ नि॒पू॒तं॑ व॒न॒ उ॒न्न॒य॒ध्व॒म् ।
- 2.014.09c जु॒षा॒णो॑ ह॒स्त्य॒म॒भि॒ वा॒व॒शे॒ व॒ इ॒न्द्रा॒य॒ सो॒मं॑ म॒दि॒रं॑ जु॒हो॒त ॥
- 2.014.10a अ॒ध्व॒र्य॒वः॑ प॒य॒सो॒ध॒र्य॒था॒ गोः॑ सो॒मे॒भि॒रीं॑ पृ॒ण॒ता॒ भो॒ज॒मि॒न्द्र॒म् ।
- 2.014.10c वे॒दा॒ह॒म॒स्य॑ नि॒भृ॒तं॑ म॒ ए॒त॒द्वि॒त्स॒न्तं॑ भू॒यो॑ य॒ज॒त॒श्चि॒के॒त ॥
- 2.014.11a अ॒ध्व॒र्य॒वो॑ यो॒ दि॒व्य॒स्य॑ व॒स्वो॒ यः॑ पा॒र्थि॒व॒स्य॑ क्ष॒म्य॒स्य॑ रा॒जा॑ ।
- 2.014.11c त॒मू॒र्द॒रं॑ न॒ पृ॒ण॒ता॒ य॒वे॒ने॒न्द्रं॑ सो॒मे॒भि॒स्त॒द॒पो॑ वो॒ अ॒स्तु ॥
- 2.014.12a अ॒स्म॒भ्यं॑ त॒द्व॒सो॑ दा॒ना॒य॒ रा॒धः॑ स॒म॒र्थ॒य॒स्व॒ बहु॑ ते॒ व॒स॒व्य॒म् ।
- 2.014.12c इ॒न्द्र॒ य॒च्चि॒त्रं॑ श्र॒व॒स्या॒ अ॒नु॒ द्यू॒न्बृ॒ह॒द्वे॒दे॒म॒ वि॒द॒थे॑ सु॒वी॒राः॑ ॥
- 2.015.01a प्र॒ घा॒ न्व॒स्य॑ म॒हतो॑ म॒हा॒नि॒ स॒त्या॒ स॒त्य॒स्य॑ क॒र॒णा॒नि॒ वो॒च॒म् ।
- 2.015.01c त्रि॒क॒द्रु॒के॒ष्व॒पि॒ब॒त्सु॒त॒स्या॒स्य॑ म॒दे॒ अ॒हि॒मि॒न्द्रो॑ ज॒घा॒न ॥
- 2.015.02a अ॒वं॒शे॑ द्या॒म॒स्त॒भा॒य॒द्वृ॒ह॒न्त॒मा॑ रो॒द॒सी॑ अ॒पृ॒ण॒द॒न्त॒रि॒क्ष॒म् ।
- 2.015.02c स॒ धा॒र॒य॒त्पृ॒थि॒वीं॑ प॒प्र॒थ॒च्च॑ सो॒म॒स्य॑ ता॒ म॒द॒ इ॒न्द्र॒श्च॒का॒र ॥
- 2.015.03a स॒द्भे॒व॒ प्रा॒चो॑ वि॒ मि॒मा॒य॒ मा॒नै॒र्व॒ज्रे॒ण॑ खान्य॒तृ॒ण॒न्ना॒दी॒ना॒म् ।
- 2.015.03c वृ॒था॒सृ॒ज॒त्पृ॒थि॒भि॒र्दी॒र्घ॒या॒थैः॑ सो॒म॒स्य॑ ता॒ म॒द॒ इ॒न्द्र॒श्च॒का॒र ॥
- 2.015.04a स॒ प्र॒वो॒ळ्हृ॒न्प॒रि॒ग॒त्या॑ द॒भी॒ते॒र्वि॒श्व॒म॒घा॒गा॒यु॒ध॒मि॒द्वे॒ अ॒ग्नौ॑ ।
- 2.015.04c सं॒ गो॒भि॒र॒श्वै॒र॒सृ॒ज॒द्र॒थे॒भिः॑ सो॒म॒स्य॑ ता॒ म॒द॒ इ॒न्द्र॒श्च॒का॒र ॥

- 2.015.05a स ई॑ म॒हीं॑ धु॒निमे॑तो॒रर॑म॒णात्सो॑ अ॒स्नातृ॑न॒पा॒रय॑त्स्व॒स्ति ।
- 2.015.05c त॒ उत्स॑नाय॒ रयि॑मभि॒ प्र त॑स्थुः सोम॒स्य ता॑ म॒द इन्द्र॑श्चकार ॥
- 2.015.06a सो॒दञ्चं॑ सि॒न्धुम॑रि॒णान्म॑हि॒त्वा व॒ज्रेणान॑ उ॒षसः॑ सं पि॒पेष॑ ।
- 2.015.06c अ॒जव॑सो॒ जवि॑नी॒भिर्वि॑वृ॒श्चन्सो॑म॒स्य ता॑ म॒द इन्द्र॑श्चकार ॥
- 2.015.07a स॒ वि॒द्वं अप॑गो॒हं क॑नी॒नामा॑वि॒र्भव॑न्नु॒दति॑ष्ठ॒त्परा॑वृक् ।
- 2.015.07c प्र॒ति श्रो॑ण॒ स्थाद्व्य॑श्न॒गच॑ष्ट सोम॒स्य ता॑ म॒द इन्द्र॑श्चकार ॥
- 2.015.08a भि॒नद्व॑ल्म॒ङ्गिरो॑भिर्गृ॒णानो॑ वि॒ पर्व॑त॒स्य दं॑हि॒तान्यै॑रत् ।
- 2.015.08c रि॒णग्रो॑धा॒सि कृ॒त्रिमा॑ण्येषां सोम॒स्य ता॑ म॒द इन्द्र॑श्चकार ॥
- 2.015.09a स्व॑प्ने॒नाभ्यु॑प्या॒ चुमु॑रि॒ धुनिं॑ च॒ जघ॑न्थ॒ दस्युं॑ प्र॒ दभी॑ति॒मावः॑ ।
- 2.015.09c र॒म्भी चि॑दत्र॒ विवि॑दे॒ हिर॑ण्यं सोम॒स्य ता॑ म॒द इन्द्र॑श्चकार ॥
- 2.015.10a नूनं॑ सा॒ ते प्र॒ति वरं॑ ज॒रित्रे॑ दु॒हीय॑दिन्द्र॒ दक्षि॑णा॒ मघो॑नी ।
- 2.015.10c शि॒क्षा स्तो॑तृ॒भ्यो मा॑ति॒ धग्भ॑गो॒ नो बृ॒हद्व॑दे॒म वि॒दथे॑ सु॒वीराः॑ ॥
- 2.016.01a प्र॒ वः स॒तां ज्ये॑ष्ठ॒तमा॑य सु॒ष्टुति॑म॒ग्नावि॑व॒ समि॑धाने॒ हवि॑भरे ।
- 2.016.01c इन्द्र॑म॒जुर्यं॑ ज॒रय॑न्तमु॒क्षितं॑ स॒नाद्यु॑वान॒मव॑से॒ हवाम॑हे ॥
- 2.016.02a यस्मा॑दिन्द्रा॒द्वृह॑तः किं च॒नेमृ॑ते॒ विश्वान्य॑स्मि॒न्सम्भृ॑ताधि॒ वीर्या॑ ।
- 2.016.02c ज॒ठरे॑ सोमं॒ तन्वी॑श् स॒हो महो॑ ह॒स्ते व॒ज्रं भ॑रति॒ शीर्ष॑णि॒ क्रतु॑म् ॥
- 2.016.03a न॒ क्षोणी॑भ्यां॒ परि॑भ्वे॒ त इन्द्रि॑यं॒ न समु॑द्रैः॒ पव॑तैरिन्द्र॒ ते रथः॑ ।

- 2.016.03c न ते वज्रमन्वश्नोति कश्चन यदाशुभिः पतसि योजना पुरु ॥
- 2.016.04a विश्वे ह्यस्मै यजताय धृष्णावे क्रतुं भरन्ति वृषभाय सश्चते ।
- 2.016.04c वृषा यजस्व हविषा विदुष्टरः पिबेन्द्र सोमं वृषभेण भानुना ॥
- 2.016.05a वृष्णः कोशः पवते मध्व ऊर्मिर्वृषभान्नाय वृषभाय पातवे ।
- 2.016.05c वृषणाध्वर्यू वृषभासो अद्रयो वृषणं सोमं वृषभाय सुष्वति ॥
- 2.016.06a वृषा ते वज्र उत ते वृषा रथो वृषणा हरी वृषभाण्यायुधा ।
- 2.016.06c वृष्णो मदस्य वृषभ त्वमीशिष इन्द्र सोमस्य वृषभस्य तृप्णुहि ॥
- 2.016.07a प्र ते नावं न समने वचस्युवं ब्रह्मणा यामि सवनेषु दाधृषिः ।
- 2.016.07c कुविन्नो अस्य वचसो निबोधिषदिन्द्रमुत्सं न वसुनः सिचामहे ॥
- 2.016.08a पुरा सम्बाधादभ्या ववृत्स्व नो धेनुर्न वत्सं यवसस्य पिप्युषी ।
- 2.016.08c सकृत्सु ते सुमतिभिः शतक्रतो सं पत्नीभिर्न वृषणो नसीमहि ॥
- 2.016.09a नूनं सा ते प्रति वरं जरित्रे दुहीयदिन्द्र दक्षिणा मघोनी ।
- 2.016.09c शिक्ता स्तोतृभ्यो माति धग्भगो नो बृहद्वदेम विदथे सुवीराः ॥

- 2.017.01a तदस्मै नव्यमङ्गिरस्वदर्चत शुष्मा यदस्य प्रत्नथोदीरते ।
- 2.017.01c विश्वा यद्गोत्रा सहसा परीवृता मदे सोमस्य दंहितान्यैरयत् ॥
- 2.017.02a स भूतु यो ह प्रथमाय धायस ओजो मिमानो महिमानमातिरत् ।
- 2.017.02c शूरो यो युत्सु तन्वं परिव्यत शीर्षणि द्यां महिना प्रत्यमुञ्चत ॥

- 2.017.03a अ॒धा॒कृ॒णोः॑ प्र॒थ॒मं॑ वी॒र्यं॑ म॒ह॒द्य॒द॒स्य॒ाग्रे॑ ब्र॒ह्म॒णा॑ शु॒ष्म॒मै॒रयः॑ ।
- 2.017.03c रथे॑ष्ठेन ह॒र्य॑श्चेन वि॒च्यु॒ताः प्र॑ जी॒रयः॑ सि॒स्र॒ते स॒ध्र॒च॑श्कृ॒पृथक्॑ ॥
- 2.017.04a अ॒धा॒ यो वि॒श्वा भु॒वना॒भि म॒ज्म॒ने॒शा॒नकृ॒त्प्र॒वया॑ अ॒भ्य॒व॒र्धत॑ ।
- 2.017.04c आ॒द्रो॒द॒सी ज्यो॑तिषा व॒ह्मि॒रा॒त॒नो॒त्सी॒व्य॒न्त॒मांसि॑ दु॒धि॒ता स॒म॒व्य॒यत् ॥
- 2.017.05a स प्रा॒ची॒ना॒न्प॒र्व॒ता॒न्दृ॒ह॒दो॒ज॒सा॒ध॒रा॒ची॒न॒म॒कृ॒णो॒द॒पा॒मपः॑ ।
- 2.017.05c अ॒धा॒र॒य॒त्पृ॒थि॒वीं वि॒श्व॒धा॒य॒स॒म॒स्त॒भ्रान्मा॒यया॑ द्या॒म॒व॒स्र॒सः ॥
- 2.017.06a सा॒स्मा अ॒रं बा॒हु॒भ्यां॑ यं पि॒ता॒कृ॒णो॒द्वि॒श्व॒स्मा॒दा ज॒नु॒षो वे॒द॒स॒स्परि॑ ।
- 2.017.06c ये॒ना पृ॒थि॒व्यां नि॑ क्रि॒विं श॒य॒ध्ये॑ व॒ज्रे॒ण ह॒त्व्य॒वृ॒ण॒क्तु॒वि॒श्व॒णिः ॥
- 2.017.07a अ॒मा॒जू॒रि॒व पि॒त्रोः॑ स॒चा स॒ती स॒मा॒ना॒दा स॒द॒स॒स्त्वा॒मि॒ये भ॒गम् ।
- 2.017.07c कृ॒धि प्र॒के॒त॒मु॒प मा॒स्या भ॒र द॒द्धि॑ भा॒गं त॒न्वो॑३ ये॒न मा॒महः॑ ॥
- 2.017.08a भो॒जं त्वा॒मि॒न्द्र व॒यं हु॒वेम॑ द॒दि॒ष्ट्व॒मि॒न्द्रा॒पांसि॑ वा॒जान् ।
- 2.017.08c अ॒वि॒ड्ढी॒न्द्र चि॒त्रया॑ न ऊ॒ती कृ॒धि वृ॒ष॒न्नि॒न्द्र व॒स्य॑सो नः ॥
- 2.017.09a नू॒नं सा॒ ते प्र॒ति व॒रं ज॒रि॒त्रे दु॒ही॒य॒दि॒न्द्र द॒क्षि॒णा म॒घो॒नी ।
- 2.017.09c शि॒क्षा स्तो॒तृ॒भ्यो मा॒ति ध॒ग्भ॒गो नो॑ बृ॒ह॒द्व॒दे॒म वि॒दथे॑ सु॒वी॒राः ॥
- 2.018.01a प्रा॒ता रथो॑ न॒वो यो॒जि स॒स्त्रि॒श्च॒तु॒र्यु॒ग॒स्त्रि॒क॒शः स॒प्त॒र॒शि॒मः ।
- 2.018.01c द॒शा॒रि॒त्रो म॒नु॒ष्यः॑ स्व॒र्षाः॑ स इ॒ष्टि॒भि॒र्म॒ति॒भी रं॒ह्यो भू॒त् ॥
- 2.018.02a सा॒स्मा अ॒रं प्र॒थ॒मं स॒ द्वि॒तीय॑मु॒तो तृ॒तीयं॑ म॒नु॒षः स॒ हो॒ता ।

- 2.018.02c अ॒न्यस्या॑ ग॒र्भ॒म॒न्य॑ ऊ॒ जन॑न्त॒ सो अ॒न्येभिः॑ स॒च॒ते॒ जे॒न्यो॒ वृषा॑ ॥
- 2.018.03a ह॒री नु॑ कं॒ रथ॑ इन्द्र॒स्य यो॒ज॒मा॒यै सू॒क्ते॒न व॒च॒सा न॒वेन॑ ।
- 2.018.03c मो॒ षु त्वा॒मत्र॑ ब॒हवो॑ हि वि॒प्रा नि॑ री॒र॒म॒न्य॑ज॒मा॒ना॒सो अ॒न्ये ॥
- 2.018.04a आ॒ द्वा॒भ्यां ह॒रि॒भ्या॒मिन्द्र॑ या॒ह्या च॒तु॒र्भि॒रा ष॒ड्भि॒र्हू॒य॒मा॒नः ।
- 2.018.04c आ॒ष्टाभि॑र्द॒शभिः॑ सो॒म॒पे॒य॒म॒यं सु॒तः सु॒म॒ख॒ मा मृ॒ध॒स्कः ॥
- 2.018.05a आ॒ विं॒श॒त्या त्रिं॒श॒ता या॒ह्य॒र्वा॒डा च॒त्वा॒रि॒श॒ता ह॒रि॒भिर्यु॑जा॒नः ।
- 2.018.05c आ॒ पञ्चा॑श॒ता सु॒र॒थे॒भि॒रिन्द्रा॑ ष॒ष्ट्या स॒प्त॒त्या सो॒म॒पे॒य॒म् ॥
- 2.018.06a आ॒शी॒त्या न॒व॒त्या या॒ह्य॒र्वा॒डा श॒तेन॑ ह॒रि॒भि॒रु॒ह्य॒मा॒नः ।
- 2.018.06c अ॒यं हि॑ ते॒ शु॒न॒हो॒त्रेषु॑ सो॒म इन्द्र॑ त्वा॒या परि॑षि॒क्तो म॒दाय॑ ॥
- 2.018.07a म॒म ब्र॒ह्मेन्द्र॑ या॒ह्य॒च्छा वि॒श्वा ह॒री धु॒रि धि॒ष्वा रथ॑स्य ।
- 2.018.07c पु॒रु॒त्रा हि॑ वि॒ह॒व्यो ब॒भू॒थास्मि॑ञ्छू॒र स॒वने॑ मा॒द॒य॒स्व ॥
- 2.018.08a न म॑ इन्द्रे॒ण स॒ख्यं वि॑ यो॒ष॒द॒स्मभ्य॑म॒स्य द॒क्षि॒णा दु॒ही॒त ।
- 2.018.08c उ॒प ज्ये॑ष्ठे व॒रू॒थे ग॒भ॒स्तौ प्रा॒येप्रा॒ये जि॒गी॒वांसः॑ स्याम ॥
- 2.018.09a नूनं॑ सा॒ ते प्र॒ति व॒रं ज॒रि॒त्रे दु॒ही॒य॒दिन्द्र॑ द॒क्षि॒णा म॒घो॒नी ।
- 2.018.09c शि॒क्षा स्तो॑तृ॒भ्यो मा॒ति ध॒ग्भ॒गो नो॑ बृ॒ह॒द्व॒दे॒म वि॒द॒थे सु॒वी॒राः ॥
- 2.019.01a अ॒पा॒य्य॒स्यान्ध॑सो॒ म॒दाय॑ म॒नी॒षि॒णः सु॒वा॒न॒स्य प्र॒य॒सः ।
- 2.019.01c य॒स्मि॒न्निन्द्रः॑ प्र॒दि॒वि वा॒वृ॒धा॒न ओ॒को द॒धे ब्र॒ह्म॒ण्य॒न्तश्च॑ न॒रः ॥

- 2.019.02a अ॒स्य॑ म॒न्दानो॑ म॒ध्वो॑ व॒ज्रह॑स्तोऽहि॒मिन्द्रो॑ अ॒र्णो॑वृ॒तं वि॑ वृ॒श्चत् ।
- 2.019.02c प्र॒ यद्व॑यो न स्व॒सरा॑ण्य॒च्छा प्र॑यांसि च नदी॒नां च॑क्रमन्त ॥
- 2.019.03a स मा॒हि॒न इन्द्रो॑ अ॒र्णो॑ अ॒पां प्रै॑रयदहिहा॒च्छा स॒मु॒द्रम् ।
- 2.019.03c अ॒ज॒न॒य॒त्सूर्य॑ वि॒द॒द्रा अ॒क्तु॑ना॒ह्नां व॒यु॒ना॒नि सा॒धत् ॥
- 2.019.04a सो अ॒प्र॒ती॒नि म॒न॒वे पु॒रू॒गी॒न्द्रो दा॑श॒द्वा॒शु॒षे ह॒न्ति॑ वृ॒त्रम् ।
- 2.019.04c सद्यो॑ यो नृ॒भ्यो अ॒त॒सा॒य्यो भू॑त्प॒स्पृ॒धाने॒भ्यः सूर्य॑स्य सा॒तौ ॥
- 2.019.05a स सु॒न्व॒त इन्द्रः॑ सूर्य॒मा दे॒वो रि॑ण॒ङ्म॒र्त्या॒य स्त॒वान् ।
- 2.019.05c आ य॒द्रयि॑ं गु॒ह॒द॒व॒द्यम॑स्मै भ॒रदं॑शं नै॒त॒शो द॑शस्यन् ॥
- 2.019.06a स र॒न्ध॒य॒त्सदि॒वः सा॒र॒थ॒ये शु॒ष्णाम॑शु॒षं कु॒य॒वं कु॑त्साय ।
- 2.019.06c दि॒वोदा॑साय न॒वतिं॑ च न॒वेन्द्रः॑ पु॒रो व्यै॑र॒च्छ॒म्बर॑स्य ॥
- 2.019.07a ए॒वा त इन्द्रो॑च॒थ॒म॒हे॒म श्र॒व॒स्या न॒ त्म॒ना वा॒ज॒य॒न्तः ।
- 2.019.07c अ॒श्या॑म त॒त्सा॑प्त॒माशु॑षाणा न॒न॒मो व॒ध॒रदे॑वस्य पी॒योः ॥
- 2.019.08a ए॒वा ते॑ गृ॒त्स॒म॒दाः शू॒र म॒न्मा॑व॒स्य॒वो न॒ व॒यु॒ना॒नि त॒क्षुः ।
- 2.019.08c ब्र॒ह्म॒ण्य॒न्त इन्द्र॑ ते न॒वी॒य इ॒ष॒मूर्जं॑ सु॒क्षि॒तिं सु॒म॒न॒शुः ॥
- 2.019.09a नू॒नं सा॒ ते प्र॒ति व॑रं ज॒रि॒त्रे दु॒ही॒यदि॑न्द्र दक्षि॒णा म॒घो॒नी ।
- 2.019.09c शि॒क्षा स्तो॑तृ॒भ्यो मा॒ति ध॒ग्भ॒गो नो बृ॒हद्व॑दे॒म वि॒दथे॑ सु॒वी॒राः ॥
- 2.020.01a व॒यं ते॑ व॒य इन्द्र॑ वि॒द्धि षु॒ णः॑ प्र॒ भ॒रा॒म॒हे वा॒ज॒यु॒र्न र॑थम् ।

- 2.020.01c वि॒प॒न्य॒वो॒ दी॒ध्य॒तो॒ म॒नी॒षा॒ सु॒म॒मि॒य॒क्ष॒न्त॒स्त्वा॒व॒तो॒ नृ॒न् ॥
- 2.020.02a त्वं॑ न॒ इन्द्र॑ त्वाभि॒रू॒ती॒ त्वा॒य॒तो॒ अ॒भि॒ष्टि॒पा॒सि॒ ज॒ना॒न् ।
- 2.020.02c त्व॒मि॒नो॒ दा॒शु॒षो॒ व॒रू॒ते॒त्था॒धी॒र॒भि॒ यो॒ न॒क्ष॒ति॒ त्वा ॥
- 2.020.03a स॒ नो॒ यु॒वेन्द्रो॑ जो॒हृ॒त्रः॒ स॒खा॒ शि॒वो॒ न॒रा॒म॒स्तु॒ पा॒ता ।
- 2.020.03c यः॑ शंस॒न्तं॒ यः॑ श॒श॒मा॒न॒मू॒ती॒ प॒च॒न्तं॒ च॒ स्तु॒व॒न्तं॒ च॒ प्र॒णो॒षत् ॥
- 2.020.04a त॒मु॒ स्तु॒ष॒ इन्द्रं॑ तं॒ गृ॒णी॒षे॒ य॒स्मि॒न्पु॒रा॒ वा॒वृ॒धुः॒ शा॒श॒दु॒श्च ।
- 2.020.04c स॒ व॒स्वः॒ का॒मं॒ पी॒प॒र॒दि॒या॒नो॒ ब्र॒ह्म॒ण॒य॒तो॒ नू॒त॒न॒स्या॒योः ॥
- 2.020.05a सो॒ अ॒ङ्गि॒र॒सा॒मु॒च॒था॒ जु॒जु॒ष्वान्ब्र॒ह्मा॒ तू॒तो॒दिन्द्रो॑ गा॒तु॒मि॒ष्णान् ।
- 2.020.05c मु॒ष्णान्नु॒षसः॑ सू॒र्ये॑ण॒ स्त॒वा॒न॒श्न॒स्य॒ चि॒च्छि॒श्न॒थ॒त्पू॒र्व्या॒णि ॥
- 2.020.06a स॒ ह॒ श्रु॒त॒ इन्द्रो॑ ना॒म॒ दे॒व॒ ऊ॒र्ध्वो॑ भु॒व॒न्म॒नु॒षे॒ द॒स्म॒त॒मः ।
- 2.020.06c अ॒व॒ प्रि॒य॒म॒र्श॒सा॒न॒स्य॒ सा॒ह्वा॒ञ्छि॒रो॒ भ॒र॒द्वा॒स॒स्य॒ स्व॒धा॒वा॒न् ॥
- 2.020.07a स॒ वृ॒त्र॒हेन्द्रः॑ कृ॒ष्ण॒यो॒नीः॒ पु॒रं॒द॒रो॒ दा॒सी॒रि॒र॒य॒द्वि ।
- 2.020.07c अ॒ज॒न॒य॒न्म॒न॒वे॒ क्षा॒म॒प॒श्च॒ स॒त्रा॒ शंसं॑ य॒ज॒मा॒न॒स्य॒ तू॒तो॒त् ॥
- 2.020.08a त॒स्मै॑ त॒व॒स्य॑श्म॒नु॒ दा॒यि॒ स॒त्रे॒न्द्रा॒य॒ दे॒वे॒भि॒र॒र्णा॒सा॒तौ ।
- 2.020.08c प्र॒ति॒ य॒द॒स्य॒ व॒ज्रं॑ बा॒ह्वो॑र्धु॒र्ह॒त्वी॒ द॒स्यू॒न्पु॒र॒ आ॒य॒सी॒र्नि॒ ता॒री॒त् ॥
- 2.020.09a नू॒नं॑ सा॒ ते॒ प्र॒ति॒ व॒रं॑ ज॒रि॒त्रे॒ दु॒ही॒य॒दिन्द्र॑ द॒क्षि॒णा॒ म॒घो॒नी ।
- 2.020.09c शि॒क्षा॒ स्तो॒तृ॒भ्यो॒ मा॒ति॒ ध॒ग्भ॒गो॒ नो॒ बृ॒ह॒द्व॒दे॒म॒ वि॒द॒थे॑ सु॒वी॒राः ॥



- 2.021.01a विश्वजिते॑ धनजिते॑ स्वजिते॑ सत्राजिते॑ नृजित॑ उर्वराजिते॑ ।
- 2.021.01c अश्वजिते॑ गोजिते॑ अब्रजिते॑ भरेन्द्राय॑ सोमं॑ यजताय॑ हर्यतम् ॥
- 2.021.02a अभिभुवेऽभिभङ्गाय॑ वन्वतेऽषाळ्हाय॑ सहमानाय॑ वेधसे॑ ।
- 2.021.02c तुविग्रये॑ वह्नये॑ दुष्टरीतवे॑ सत्रासाहे॑ नम इन्द्राय॑ वोचत ॥
- 2.021.03a सत्रासाहो॑ जनभक्तो॑ जनसहश्च्यवनो॑ युध्मो॑ अनु॑ जोषमुक्षितः॑ ।
- 2.021.03c वृतंचयः॑ सहुरिर्विद्वारित॑ इन्द्रस्य॑ वोचं॑ प्र कृतानि॑ वीर्या॑ ॥
- 2.021.04a अनानुदो॑ वृषभो॑ दोधतो॑ वधो॑ गम्भीर॑ ऋष्वो॑ असमष्टकाव्यः॑ ।
- 2.021.04c रध्रचोदः॑ श्रथनो॑ वीळितस्पृथुरिन्द्रः॑ सुयज्ञ॑ उषसः॑ स्वर्जनत् ॥
- 2.021.05a यज्ञेन॑ गातुमसुरो॑ विविद्विरे॑ धियो॑ हिन्वाना॑ उशिजो॑ मनीषिणः॑ ।
- 2.021.05c अभिस्वरा॑ निषदा॑ गा॑ अवस्यव॑ इन्द्रे॑ हिन्वाना॑ द्रविणान्याशत ॥
- 2.021.06a इन्द्र॑ श्रेष्ठानि॑ द्रविणानि॑ धेहि॑ चित्तिं॑ दक्षस्य॑ सुभगत्वमस्मे॑ ।
- 2.021.06c पोषं॑ रयीणामरिष्टिं॑ तनूनां॑ स्वाद्भानं॑ वाचः॑ सुदिनत्वमहाम् ॥
- 2.022.01a त्रिकद्रुकेषु॑ महिषो॑ यवाशिरं॑ तुविशुष्मस्तृपत्सोममपिबद्विष्णुना॑ सुतं॑ यथावशत् ।
- 2.022.01e स ई॑ ममाद् महि॑ कर्म॑ कर्तवे॑ महामुरुं॑ सैनं॑ सश्वदेवो॑ देवं॑ सत्यमिन्द्रं॑ सत्य॑ इन्दुः ॥
- 2.022.02a अध॑ त्विषीमाँ॑ अभ्योजसा॑ क्रिविं॑ युधाभवदा॑ रोदसी॑ अपृणदस्य॑ मज्मना॑ प्र वावृधे॑ ।
- 2.022.02e अधत्तान्यं॑ जठरे॑ प्रेमरिच्यत॑ सैनं॑ सश्वदेवो॑ देवं॑ सत्यमिन्द्रं॑ सत्य॑ इन्दुः ॥
- 2.022.03a साकं॑ जातः॑ क्रतुना॑ साकमोजसा॑ ववक्षिथ॑ साकं॑ वृद्धो॑ वीर्यैः॑ सासहिर्मृधो॑ विचर्षणिः॑ ।

- 2.022.03e दा॒ता रा॒ध स्तु॒वते॑ का॒म्यं वसु॑ सैनं॑ स॒श्रद्दे॒वो दे॒वं स॒त्यमिन्द्रं॑ स॒त्य इन्द्रुः॑ ॥
- 2.022.04a तव॑ त्यन्न॑र्यं नृ॒तोऽप॑ इन्द्र॒ प्रथ॑मं पू॒र्व्यं दि॒वि प्र॒वाच्यं॑ कृ॒तम् ।
- 2.022.04c यद्दे॒वस्य॑ श॒वसा॑ प्रा॒रिणा॑ अ॒सुं रि॒णन्न॑पः ।
- 2.022.04e भुव॑द्वि॒श्वमभ्या॑दे॒वमोज॑सा वि॒दादूर्जं॑ श॒तक्र॑तुर्वि॒दादि॑षम् ॥
- 2.023.01a ग॒णानां॑ त्वा ग॒णप॑तिं ह॒वामहे॑ क॒विं क॒वीना॑मु॒पम॑श्र॒वस्त॑मम् ।
- 2.023.01c ज्ये॒ष्ठरा॑जं ब्र॒ह्मणां॑ ब्र॒ह्मण॑स्पत॒ आ नः॑ शृ॒ण्वन्नू॒तिभिः॑ सी॒द सा॑दनम् ॥
- 2.023.02a दे॒वाश्चित्ते॑ अ॒सुर्यं॑ प्र॒चेत॑सो बृ॒हस्प॑ते य॒ज्ञियं॑ भा॒गमा॑नशुः ।
- 2.023.02c उ॒स्रा इ॒व सू॒र्यो ज्यो॑तिषा॒ महो॑ वि॒श्वेषा॑मि॒ज्जनि॑ता ब्र॒ह्मणा॑मसि ॥
- 2.023.03a आ वि॒बाध्या॑ परि॒राप॑स्त॒मांसि॑ च ज्यो॒तिष्मन्तं॑ रथ॒मृत॑स्य तिष्ठसि ।
- 2.023.03c बृ॒हस्प॑ते भी॒मम॑मि॒त्रद॑म्भनं र॒क्षोह॑णं गो॒त्रभि॑दं स्व॒र्विद॑म् ॥
- 2.023.04a सु॒नीति॑भिर्नयसि त्राय॑से ज॒नं यस्तु॑भ्यं दा॒शान्न॑ तमं॒हो अ॑श्रवत् ।
- 2.023.04c ब्र॒ह्मद्वि॑षस्त॒पनो॑ म॒न्युमी॑रसि बृ॒हस्प॑ते म॒हि त॑त्ते म॒हित्व॑नम् ॥
- 2.023.05a न तमं॒हो न दुरि॑तं कु॒तश्च॑न ना॒रात॑यस्ति॒तिरु॑र्न द्वा॒यावि॑नः ।
- 2.023.05c वि॒श्वा इ॒दस्माद्द्व॑रसो वि बा॒धसे॑ यं सु॒गोपा॑ र॒क्षसि॑ ब्र॒ह्मण॑स्पते ॥
- 2.023.06a त्वं नो॑ गो॒पाः पथि॑कृ॒द्विच॑क्षणस्तव व्र॒ताय॑ म॒तिभि॑र्जरामहे ।
- 2.023.06c बृ॒हस्प॑ते यो नो॑ अ॒भि ह॑रो द॒धे स्वा॑ तं म॒र्मर्तु॑ दु॒च्छु॒ना हर॑स्वती ॥
- 2.023.07a उ॒त वा॑ यो नो॑ म॒र्चया॑दना॒गसो॑ऽराती॒वा म॑र्तः सा॒नुको॑ वृ॒कः ।

- 2.023.07c बृहस्पते अप तं वर्तया पथः सुगं नो अस्यै देववीतये कृधि ॥
- 2.023.08a त्रातारं त्वा तनूनां हवामहेऽवस्पर्तरधिवक्तारमस्मयुम् ।
- 2.023.08c बृहस्पते देवनिदो नि बर्हय मा दुरेवा उत्तरं सुम्रमुन्नशन् ॥
- 2.023.09a त्वया वयं सुवृधा ब्रह्मणस्पते स्पार्हा वसु मनुष्या ददीमहि ।
- 2.023.09c या नो दूरे तळितो या अरातयोऽभि सन्ति जम्भया ता अनप्रसः ॥
- 2.023.10a त्वया वयमुत्तमं धीमहे वयो बृहस्पते पप्रिणा सस्त्रिना युजा ।
- 2.023.10c मा नो दुःशंसो अभिदिप्सुरीशत प्र सुशंसा मतिभिस्तारिषीमहि ॥
- 2.023.11a अनानुदो वृषभो जग्मिराहवं निष्टप्ता शत्रुं पृतनासु सासहिः ।
- 2.023.11c असि सत्य ऋणया ब्रह्मणस्पत उग्रस्य चिदमिता वीळुहर्षिणः ॥
- 2.023.12a अदेवेन मनसा यो रिषण्यति शासामुग्रो मन्यमानो जिघांसति ।
- 2.023.12c बृहस्पते मा प्रणक्तस्य नो वधो नि कर्म मन्युं दुरेवस्य शर्धतः ॥
- 2.023.13a भरेषु हव्यो नमसोपसद्यो गन्ता वाजेषु सनिता धनंधनम् ।
- 2.023.13c विश्वा इदर्यो अभिदिप्स्वोऽमृधो बृहस्पतिर्वि ववर्हा रथां इव ॥
- 2.023.14a तेजिष्ठया तपनी रक्षसस्तप ये त्वा निदे दधिरे दृष्टवीर्यम् ।
- 2.023.14c आविस्तत्कृष्व यदसत्त उक्थ्यं बृहस्पते वि परिरापो अर्दय ॥
- 2.023.15a बृहस्पते अति यदर्यो अर्हाद्युमद्विभाति क्रतुमज्जनेषु ।
- 2.023.15c यद्दीदयच्छवस ऋतप्रजात तदस्मासु द्रविणं धेहि चित्रम् ॥
- 2.023.16a मा न स्तेनेभ्यो ये अभि द्रुहस्पदे निरामिणो रिपवोऽन्नेषु जागृधुः ।

2.023.16c आ दे॒वाना॑मो॒हते॑ वि॒ ब्रयो॑ हृ॒दि बृ॒हस्प॑ते न॒ परः॑ सा॒मो वि॒दुः ॥

2.023.17a वि॒श्वेभ्यो॑ हि॒ त्वा भु॒वने॑भ्यस्परि॒ त्वष्टा॑जनत्साम्नः॒ साम्नः॑ क॒विः ।

2.023.17c स ऋ॒णचि॑दृ॒णया॑ ब्र॒ह्मण॑स्पतिर्द्रु॒हो ह॒न्ता मह॑ ऋ॒तस्य॑ ध॒र्तारि॑ ॥

2.023.18a तव॑ श्रि॒ये व्य॑जिही॒त पर्व॑तो ग॒वां गो॒त्रमु॑दसृ॒जो यद॑ङ्गिरः ।

2.023.18c इ॒न्द्रेण॑ यु॒जा तम॑सा॒ परी॑वृतं बृ॒हस्प॑ते॒ निर॑पामौ॒जो अ॒र्णव॑म् ॥

2.023.19a ब्र॒ह्मण॑स्पते॒ त्वम॑स्य॒ यन्ता॑ सू॒क्तस्य॑ बो॒धि तन॑यं च जि॒न्व ।

2.023.19c वि॒श्वं तद्भ॑द्रं॒ यद॑वन्ति॒ देवा॑ बृ॒हद्व॑दे॒म वि॒दथे॑ सु॒वीराः॑ ॥

2.024.01a से॒माम॑वि॒डि॒ढ प्र॑भृतिं॒ य ई॒शिषे॑ऽया॒ वि॒धेम॑ न॒वया॑ म॒हा गि॒रा ।

2.024.01c यथा॑ नो मी॒ह्वान्स्त्व॑वते॒ सखा॑ तव बृ॒हस्प॑ते॒ सी॒षधः॑ सो॒त नो॑ म॒तिम् ॥

2.024.02a यो नन्त्वा॑न्यन॒मन्त्र्यो॑जसो॒तादर्द॑र्म॒न्युना॑ श॒म्बरा॑णि॒ वि ।

2.024.02c प्रा॒च्याव॑यद॒च्युता॑ ब्र॒ह्मण॑स्पति॒रा चा॑वि॒शद्व॑सु॒मन्तं॑ वि॒ पर्व॑तम् ॥

2.024.03a तद्दे॒वानां॑ दे॒वत॑मा॒य क॑र्त्वमश्र॒थन॑न्दृ॒ळ्हाव्र॑दन्त॒ वी॒ळिता॑ ।

2.024.03c उ॒द्रा आ॑जद॒भिन॑द्ब्र॒ह्मणा॑ व॒लम॑गू॒हत्त॑मो॒ व्य॒चक्ष॑यत्स्वः ॥

2.024.04a अ॒श्मास्य॑म॒वतं॑ ब्र॒ह्मण॑स्पति॒र्मधु॑धार॒मभि॑ य॒मोज॑सा॒तृण॑त् ।

2.024.04c तमे॒व वि॒श्वे प॑पिरे॒ स्वर्दृ॑शो॒ बहु॑ सा॒कं सि॑सि॒चुरु॑त्समु॒द्रिण॑म् ॥

2.024.05a स॒ना ता॑ का॒ चिद्भु॑वना॒ भवी॑त्वा॒ माद्भिः॑ श॒रद्भिर्दु॑रो॒ वर॑न्त वः ।

2.024.05c अ॒यत॑न्ता॒ चर॑तो॒ अन्य॑दन्यदि॒द्या च॑कार॒ वयु॑ना॒ ब्र॒ह्मण॑स्पतिः ॥

- 2.024.06a अ॒भिन॑क्षन्तो अ॒भि॒ ये॒ त॒मान॑शु॒र्निधिं॑ प॒णीनां॑ प॒रमं॑ गु॒हा हित॑म् ।
- 2.024.06c ते॒ वि॒द्वांसः॑ प्र॒तिच॑क्ष्या॒नृता॑ पु॒नर्य॑त उ॒ आय॑न्तदु॒दीयुरा॑विशम् ॥
- 2.024.07a ऋ॒तावा॑नः प्र॒तिच॑क्ष्या॒नृता॑ पु॒नरा॑त आ॒ तस्थुः॑ क॒वयो॑ मह॒स्पथः॑ ।
- 2.024.07c ते॒ बाहु॑भ्यां॒ धमि॑तमग्निमश्मनि नकिः षो अ॒स्त्यर॑णो जहु॒र्हि तम्॑ ॥
- 2.024.08a ऋ॒तज्ये॑न क्षि॒प्रेण॑ ब्रह्म॒णस्प॑तिर्यत्र वष्टि प्र तदश्नोति धन्वना ।
- 2.024.08c तस्य॑ सा॒ध्वीरि॑षवो याभिरस्यति नृचक्षसो दृशये कर्णयो॒नयः॑ ॥
- 2.024.09a स॒ संन॑यः स॒ वि॒नयः॑ पु॒रोहि॑तः स॒ सुष्टु॑तः स॒ युधि॑ ब्रह्म॒णस्प॑तिः ।
- 2.024.09c चा॒क्ष्मो य॑द्वाजं॒ भर॑ते मती धनादित्सूर्यस्तपति तप्यतुर्वृथा ॥
- 2.024.10a वि॒भु प्र॑भु प्रथमं मेहनावतो बृहस्पतेः सुविदत्राणि राध्या ।
- 2.024.10c इ॒मा सा॑तानि वे॒न्यस्य॑ वा॒जिनो॑ येन जना उभये भुञ्जते विशः ॥
- 2.024.11a योऽ॒वरे॑ वृ॒जने॑ वि॒श्वथा॑ वि॒भुर्म॑हामु॒ रगवः॑ शवसा ववक्षिथ ।
- 2.024.11c स॒ देवो॑ दे॒वान्प्र॑ति पप्रथे पृथु विश्वेदु ता परिभूर्ब्रह्म॒णस्प॑तिः ॥
- 2.024.12a वि॒श्वं स॒त्यं म॑घवाना यु॒वोरि॑दापश्चन प्र॒ मि॒नन्ति॑ व्रतं वाम् ।
- 2.024.12c अ॒च्छे॑न्द्राब्रह्म॒णस्प॑ती ह॒विर्नोऽ॑न्नं यु॒जेव॑ वा॒जिना॑ जिगातम् ॥
- 2.024.13a उ॒ताशि॑ष्ठा अ॒नु शृ॑ण्वन्ति व॒ह्वयः॑ स॒भेयो॑ वि॒प्रो भर॑ते मती धना ।
- 2.024.13c वी॒ळुद्वे॑षा अ॒नु व॑श ऋ॒णमा॑ददिः स॒ ह वा॑जी स॒मिथे॑ ब्रह्म॒णस्प॑तिः ॥
- 2.024.14a ब्रह्म॒णस्प॑तेरभवद्यथावशं स॒त्यो म॒न्युर्मा॑हि कर्मा॒ करि॑ष्यतः ।
- 2.024.14c यो गा॑ उ॒दाज॑त्स दि॒वे वि॑ चा॒भज॑न्महीव॒ रीतिः॑ शवसासरत्पृथक् ॥

2.024.15a ब्रह्म॑णस्प॒ते सु॒यम॑स्य वि॒श्वहा॑ रा॒यः स्या॑म रथ्यो॑३ वयस्वतः ।

2.024.15c वी॒रेषु॑ वी॒राँ उप॑ पृ॒ङ्धि न॒स्त्वं यदी॑शानो ब्रह्म॑णा वे॒षि मे॑ हवम् ॥

2.024.16a ब्रह्म॑णस्प॒ते त्वम॑स्य यन्ता॒ सूक्त॑स्य बो॒धि तन॑यं च जिन्व ।

2.024.16c विश्वं॑ तद्भ॒द्रं यद॑वन्ति दे॒वा बृ॒हद्व॑देम वि॒दथे॑ सु॒वीराः॑ ॥

2.025.01a इन्धा॑नो अ॒ग्निं वन॑वद्वनुष्यतः कृ॒तब्र॑ह्मा शू॒शुव॑द्रा॒तह॒व्य इत् ।

2.025.01c जा॒तेन॑ जा॒तम॑ति स प्र स॒सृति॑ यं॒यं यु॒जं कृ॑णुते ब्रह्म॑णस्पतिः ॥

2.025.02a वी॒रेभि॑र्वी॒रान्व॑नवद्वनुष्यतो गो॒भी रयि॑ं प॒प्रथ॑द्वो॒धति॑ त्मना ।

2.025.02c तो॒कं च॑ तस्य तन॑यं च वर्ध॒ति यं॒यं यु॒जं कृ॑णुते ब्रह्म॑णस्पतिः ॥

2.025.03a सि॒न्धुर्न॑ द्वादः शि॒मीवाँ॑ ऋ॒घाय॑तो वृ॒षेव॑ व॒ध्रीर॑भि वष्ट्यो॒जसा॑ ।

2.025.03c अ॒ग्नेरि॑व प्र॒सिति॑र्नाह॒ वत॑वे यं॒यं यु॒जं कृ॑णुते ब्रह्म॑णस्पतिः ॥

2.025.04a तस्मा॑ अ॒र्षन्ति॑ दि॒व्या अ॒सश्च॑तः स स॒त्वभिः॑ प्रथ॒मो गो॑षु गच्छति ।

2.025.04c अ॒निभृ॑ष्टतवि॒षिर्ह॑न्त्यो॒जसा॑ यं॒यं यु॒जं कृ॑णुते ब्रह्म॑णस्पतिः ॥

2.025.05a तस्मा॑ इद्वि॒श्वे धु॑नयन्त सि॒न्धवो॑ऽच्छि॒द्रा शर्म॑ दधिरे पु॒रूणि॑ ।

2.025.05c दे॒वानां॑ सु॒म्ने सु॒भगः॑ स ए॒धते॑ यं॒यं यु॒जं कृ॑णुते ब्रह्म॑णस्पतिः ॥

2.026.01a ऋ॒जुरि॑च्छं॒सो वन॑वद्वनुष्यतो दे॒वय॑न्नि॒ददे॑वयन्तम॒भ्यसत् ।

2.026.01c सु॒प्रावी॑रिद्वनवत्पृ॒त्सु दु॒ष्ट्रं य॑ज्वेदय॒ज्योर्वि॑ भजा॒ति भो॑जनम् ॥

- 2.026.02a यजस्व वीर प्र विहि मनायतो भद्रं मनः कृणुष्व वृत्रतूर्ये ।
- 2.026.02c हविष्कृणुष्व सुभगो यथाससि ब्रह्मणस्पतेरव आ वृणीमहे ॥
- 2.026.03a स इज्जनेन स विशा स जन्मना स पुत्रैर्वाजं भरते धना नृभिः ।
- 2.026.03c देवानां यः पितरमाविवासति श्रद्धामना हविषा ब्रह्मणस्पतिम् ॥
- 2.026.04a यो अस्मै हव्यैर्घृतवद्भिरविधत्प्र तं प्राचा नयति ब्रह्मणस्पतिः ।
- 2.026.04c उरुष्यतीमंहसो रक्षती रिषोऽहोश्चिदस्मा उरुचक्रिर्द्भुतः ॥
- 2.027.01a इमा गिर आदित्येभ्यो घृतसूः सनाद्राजभ्यो जुहा जुहोमि ।
- 2.027.01c शृणोतु मित्रो अर्यमा भगो नस्तुविजातो वरुणो दक्षो अंशः ॥
- 2.027.02a इमं स्तोमं सक्रतवो मे अद्य मित्रो अर्यमा वरुणो जुषन्त ।
- 2.027.02c आदित्यासः शुचयो धारपूता अवृजिना अनवद्या अरिष्टाः ॥
- 2.027.03a त आदित्यास उरवो गभीरा अदब्धासो दिप्सन्तो भूर्यक्षाः ।
- 2.027.03c अन्तः पश्यन्ति वृजिनोत साधु सर्वं राजभ्यः परमा चिदन्ति ॥
- 2.027.04a धारयन्त आदित्यासो जगत्स्था देवा विश्वस्य भुवनस्य गोपाः ।
- 2.027.04c दीर्घाधियो रक्षमाणा असुर्यमृतावानश्चयमाना ऋणानि ॥
- 2.027.05a विद्यामादित्या अवसो वो अस्य यदर्यमन्भय आ चिन्मयोभु ।
- 2.027.05c युष्माकं मित्रावरुणा प्रणीतौ परि श्वभ्रेव दुरितानि वृज्याम् ॥
- 2.027.06a सुगो हि वो अर्यमन्मित्र पन्था अनृक्षरो वरुण साधुरस्ति ।

- 2.027.06c तेनादित्या अधि वोचता नो यच्छता नो दुष्परिहन्तु शर्म ॥
- 2.027.07a पिपर्तु नो अदिती राजपुत्राति द्वेषांस्यर्यमा सुगोभिः ।
- 2.027.07c बृहन्मित्रस्य वरुणस्य शर्मोप स्याम पुरुवीरा अरिष्टाः ॥
- 2.027.08a तिस्रो भूमीधारयन्त्रीरुत द्यून्त्रीणि व्रता विदथे अन्तरेषाम् ।
- 2.027.08c ऋतेनादित्या महि वो महित्वं तदर्यमन्वरुण मित्र चारु ॥
- 2.027.09a त्री रोचना दिव्या धारयन्त हिरण्ययाः शुचयो धारपूताः ।
- 2.027.09c अस्वप्रजो अनिमिषा अदब्धा उरुशंसा ऋजवे मर्त्याय ॥
- 2.027.10a त्वं विश्वेषां वरुणासि राजा ये च देवा असुर ये च मर्ताः ।
- 2.027.10c शतं नो रास्व शरदो विचक्षेऽश्यामायूंषि सुधितानि पूर्वा ॥
- 2.027.11a न दक्षिणा वि चिकिते न सव्या न प्राचीनमादित्या नोत पश्चा ।
- 2.027.11c पाक्या चिद्वसवो धीर्या चिद्युष्मानीतो अभयं ज्योतिरश्याम् ॥
- 2.027.12a यो राजभ्य ऋतनिभ्यो ददाश यं वर्धयन्ति पुष्टयश्च नित्याः ।
- 2.027.12c स रेवान्याति प्रथमो रथेन वसुदावा विदथेषु प्रशस्तः ॥
- 2.027.13a शुचिरपः सूयवसा अदब्ध उप क्षेति वृद्धवयाः सुवीरः ।
- 2.027.13c नकिष्टं घ्नन्त्यन्तितो न दूराद्य आदित्यानां भवति प्रणीतौ ॥
- 2.027.14a अदिते मित्र वरुणोत मृळ यद्वो वयं चकृमा कच्चिदागः ।
- 2.027.14c उर्वश्यामभयं ज्योतिरिन्द्र मा नो दीर्घा अभि नशन्तमिस्राः ॥
- 2.027.15a उभे अस्मै पीपयतः समीची दिवो वृष्टिं सुभगो नाम पुष्यन् ।



- 2.027.15c उ॒भा॒ क्ष॒या॒वा॒ज॒य॒न्या॒ति॒ पृ॒त्सू॒भा॒व॒धौ॑ भ॒वतः॑ सा॒धू॒ अ॒स्मै ॥
- 2.027.16a या॒ वो॒ मा॒या॒ अ॒भि॒द्रु॒हे॑ य॒ज॒त्राः॒ पा॒शा॒ आ॒दि॒त्या॒ रि॒प॒वे॒ वि॒चृ॒त्ताः॑ ।
- 2.027.16c अ॒श्वी॒व॒ ताँ॑ अ॒ति॒ येषं॑ र॒थे॒ना॒रि॒ष्टा॒ उ॒रा॒वा॒ श॒र्म॒न्स्या॑म ॥
- 2.027.17a मा॒हं॒ म॒घो॒नो॑ व॒रु॒ण॒ प्रि॒य॒स्य॑ भूरि॒दान्न॑ आ॒ वि॒दं॑ शू॒न॒मा॒पेः॑ ।
- 2.027.17c मा॒ रा॒यो॒ रा॒ज॒न्सु॒य॒मा॒द॒व॒ स्थां॑ बृ॒ह॒द्व॒दे॒म॒ वि॒द॒थे॑ सु॒वी॒राः॑ ॥

- 2.028.01a इ॒दं॒ क॒वे॒रा॒दि॒त्य॒स्य॑ स्व॒रा॒जो॑ वि॒श्वानि॑ सान्त्य॒भ्य॒स्तु॑ म॒ह्ना॑ ।
- 2.028.01c अ॒ति॒ यो॒ म॒न्द्रो॑ य॒ज॒था॒य॒ दे॒वः॒ सु॒की॒र्तिं॑ भि॒क्षे॒ व॒रु॒ण॒स्य॑ भू॒रेः॑ ॥
- 2.028.02a तव॑ व्र॒ते॒ सु॒भ॒गा॒सः॑ स्या॒म॒ स्वा॒ध्व्यो॑ व॒रु॒ण॒ तु॒ष्टु॒वांसः॑ ।
- 2.028.02c उ॒पा॒य॒न॒ उ॒ष॒सां॑ गो॒म॒ती॒ना॒म॒ग्न॒यो॒ न॒ ज॒र॒मा॒णा॒ अनु॑ द्यू॒न् ॥
- 2.028.03a तव॑ स्या॒म॒ पु॒रु॒वी॒र॒स्य॑ श॒र्म॒न्नु॒रु॒शंस॑स्य व॒रु॒ण॒ प्र॒णे॒तः॑ ।
- 2.028.03c यू॒यं॑ नः॒ पु॒त्रा॑ अ॒दि॒ते॒र॒द॒ब्धा॑ अ॒भि॒ क्ष॒म॒ध्वं॑ यु॒ज्या॒य॒ दे॒वाः॑ ॥
- 2.028.04a प्र॒ सी॒मा॒दि॒त्यो॑ अ॒सृ॒ज॒द्वि॒ध॒र्ताँ॑ ऋ॒तं॒ सि॒न्ध॒वो॑ व॒रु॒ण॒स्य॑ य॒न्ति॑ ।
- 2.028.04c न॒ श्रा॒म्य॒न्ति॑ न॒ वि॒ मु॒च॒न्त्ये॒ते॒ व॒यो॒ न॒ प॒सू॒ र॒घु॒या॒ परि॑ज्मन् ॥
- 2.028.05a वि॒ म॒च्छ॒था॒य॒ र॒श॒ना॒मि॒वा॒ग॑ ऋ॒ध्या॒म॒ ते॒ व॒रु॒ण॒ खामृ॑तस्य ।
- 2.028.05c मा॒ तन्तु॑श्छे॒दि॒ व॒य॒तो॒ धि॒यं॑ मे॒ मा॒ मा॒त्रा॑ शा॒र्य॑प॒सः॒ पु॒र॒ ऋ॒तोः॑ ॥
- 2.028.06a अ॒पो॒ सु॒ म्य॑क्ष व॒रु॒ण॒ भि॒य॒सं॑ म॒त्स॒म्रा॒ळृ॒ता॒वोऽनु॑ मा॒ गृ॒भा॒य॑ ।
- 2.028.06c दा॒मे॒व॒ व॒त्सा॒द्वि॑ मु॒मु॒ग्ध्यं॑हो॒ न॒हि॒ त्व॒दा॒रे॒ नि॒मि॒ष॒श्च॒ने॒शे॑ ॥

- 2.028.07a मा नो वधैर्वरुण ये त इष्टावेनः कृणवन्तमसुर श्रीणन्ति ।
- 2.028.07c मा ज्योतिषः प्रवसथानि गन्म वि षू मृधः शिश्रथो जीवसे नः ॥
- 2.028.08a नमः पुरा ते वरुणोत नूनमुतापरं तुविजात ब्रवाम ।
- 2.028.08c त्वे हि कं पवते न श्रितान्यप्रच्युतानि दूळभ व्रतानि ॥
- 2.028.09a पर ऋणा सावीरध मत्कृतानि माहं राजन्नन्यकृतेन भोजम् ।
- 2.028.09c अन्व्युष्टा इन्नु भूयसीरुषास आ नो जीवान्वरुण तासु शाधि ॥
- 2.028.10a यो मे राजन्युज्यो वा सखा वा स्वप्ने भयं भीरवे मह्यमाह ।
- 2.028.10c स्तेनो वा यो दिप्सति नो वृको वा त्वं तस्माद्वरुण पाह्यस्मान् ॥
- 2.028.11a माहं मघोनो वरुण प्रियस्य भूरिदान्न आ विदं शूनमापेः ।
- 2.028.11c मा रायो राजन्सुयमादव स्थां बृहद्वदेम विदथे सुवीराः ॥
- 2.029.01a धृतव्रता आदित्या इषिरा अरे मत्कर्त रहसूरिवागः ।
- 2.029.01c शृण्वतो वो वरुण मित्र देवा भद्रस्य विद्वाँ अवसे हुवे वः ॥
- 2.029.02a यूयं देवाः प्रमतिर्यूयमोजो यूयं द्वेषांसि सनुतर्युयोत ।
- 2.029.02c अभिदत्तारो अभि च क्षमध्वमद्या च नो मृळयतापरं च ॥
- 2.029.03a किमू नु वः कृणवामापरेण किं सनेन वसव आप्येन ।
- 2.029.03c यूयं नो मित्रावरुणादिते च स्वस्तिमिन्द्रामरुतो दधात ॥
- 2.029.04a हये देवा यूयमिदापय स्थ ते मृळत नाधमानाय मह्यम् ।

- 2.029.04c मा वो रथो मध्यमवाळृते भून्मा युष्मावत्स्वापिषु श्रमिष्म ॥
- 2.029.05a प्र व एको मिमय भूर्यागो यन्मा पितेव कितवं शशास ।
- 2.029.05c आरे पाशा आरे अघानि देवा मा माधि पुत्रे विमिव ग्रभीष्ट ॥
- 2.029.06a अर्वाञ्चो अद्या भवता यजत्रा आ वो हार्दि भयमानो व्ययेयम् ।
- 2.029.06c त्राध्वं नो देवा निजुरो वृकस्य त्राध्वं कर्ताद्वपदो यजत्राः ॥
- 2.029.07a माहं मघोनो वरुण प्रियस्य भूरिदान्न आ विदं शूनमापेः ।
- 2.029.07c मा रायो राजन्सुयमादव स्थां बृहद्वदेम विदथे सुवीराः ॥
- 
- 2.030.01a ऋतं देवाय कृण्वते सवित्र इन्द्रायाहिघ्ने न रमन्त आपः ।
- 2.030.01c अहरहर्यात्यक्तुरपां कियात्या प्रथमः सर्ग आसाम् ॥
- 2.030.02a यो वृत्राय सिनमत्राभरिष्यत्प्र तं जनित्री विदुष उवाच ।
- 2.030.02c पथो रदन्तीरनु जोषमस्मै दिवेदिवे धुनयो यन्त्यर्थम् ॥
- 2.030.03a ऊर्ध्वो ह्यस्थादध्यन्तरिक्षेऽधा वृत्राय प्र वधं जभार ।
- 2.030.03c मिहं वसान उप हीमदुद्रोत्तिग्मायुधो अजयच्छत्रुमिन्द्रः ॥
- 2.030.04a बृहस्पते तपुषाश्वेव विध्य वृकद्वरसो असुरस्य वीरान् ।
- 2.030.04c यथा जघन्थ धृषता पुरा चिदेवा जहि शत्रुमस्माकमिन्द्र ॥
- 2.030.05a अत्र क्षिप दिवो अश्मानमुच्चा येन शत्रुं मन्दसानो निजूर्वाः ।
- 2.030.05c तोकस्य सातौ तनयस्य भूररस्माँ अर्धं कृणुतादिन्द्र गोनाम् ॥

- 2.030.06a प्र हि क्रतुं वृहथो यं वनुथो रध्रस्य स्थो यजमानस्य चोदौ ।
- 2.030.06c इन्द्रासोमा युवमस्माँ अविष्टमस्मिन्भयस्थे कृणुतमु लोकम् ॥
- 2.030.07a न मा तमन्न श्रमन्नोत तन्द्रन्न वोचाम मा सुनोतेति सोमम् ।
- 2.030.07c यो मे पृणाद्यो ददद्यो निबोधाद्यो मा सुन्वन्तमुप गोभिरायत् ॥
- 2.030.08a सरस्वति त्वमस्माँ अविड्ढि मरुत्वती धृषती जेषि शत्रून् ।
- 2.030.08c त्यं चिच्छर्धन्तं तविषीयमाणमिन्द्रो हन्ति वृषभं शण्डिकानाम् ॥
- 2.030.09a यो नः सनुत्य उत वा जिघत्सुरभिव्याय तं तिगितेन विध्य ।
- 2.030.09c बृहस्पत आयुधैर्जेषि शत्रून्द्रुहे रीषन्तं परि धेहि राजन् ॥
- 2.030.10a अस्माकेभिः सत्वभिः शूर शूरैर्वीर्या कृधि यानि ते कर्त्वानि ।
- 2.030.10c ज्योगभूवन्ननुधूपितासो हत्वी तेषामा भरा नो वसूनि ॥
- 2.030.11a तं वः शर्धं मारुतं सुम्रयुर्गिरोप ब्रुवे नमसा दैव्यं जनम् ।
- 2.030.11c यथा रयिं सर्ववीरं नशामहा अपत्यसाचं श्रुत्यं दिवेदिवे ॥
- 2.031.01a अस्माकं मित्रावरुणावतं रथमादित्यै रुद्रैर्वसुभिः सचाभुवा ।
- 2.031.01c प्र यद्वयो न पत्नन्वस्मनस्परि श्रवस्यवो हृषीवन्तो वनर्षदः ॥
- 2.031.02a अघ स्मा न उदवता सजोषसो रथं देवासो अभि विक्षु वाजयुम् ।
- 2.031.02c यदाशवः पद्याभिस्तित्रतो रजः पृथिव्याः सानौ जङ्घनन्त पाणिभिः ॥
- 2.031.03a उत स्य न इन्द्रो विश्वचर्षणिर्दिवः शर्धेन मारुतेन सुक्रतुः ।

- 2.031.03c अनु॒ नु॒ स्था॒त्य॒वृ॒काभि॒रू॒ति॒भी॒ रथं॑ म॒हे स॒नये॑ वा॒जसा॑तये ॥
- 2.031.04a उ॒त स्य॑ दे॒वो भु॒वन॑स्य स॒क्षणि॑स्त्व॒ष्टा ग्नाभिः॑ स॒जोषा॑ जू॒जुव॑द्रथम् ।
- 2.031.04c इ॒ळा भ॒गो बृ॒हद्दि॒वोत॑ रो॒दसी॑ पू॒षा पु॒रंधि॑र॒श्विना॑वधा प॒ती ॥
- 2.031.05a उ॒त त्ये॑ दे॒वी सु॒भगे॑ मि॒थूदृ॑शोषासान॒क्ता ज॑गतामपी॒जुवा॑ ।
- 2.031.05c स्तु॒षे यद्वां॑ पृथि॒वि न॒व्यसा॑ वच॒ स्थातु॑श्च व॒यस्त्रि॑वया॒ उप॑स्तिरे ॥
- 2.031.06a उ॒त वः॑ शंस॒मुशि॑जामि॒व श॑मस्यहि॒र्बुध्न्यो॑ऽज॒ एक॑पादु॒त ।
- 2.031.06c त्रि॒त ऋ॑भु॒क्ताः स॒विता॑ च॒नो द॒धेऽपां॑ न॒पादा॑शु॒हेमा॑ धि॒या श॑मि ॥
- 2.031.07a ए॒ता वो॑ व॒श्म्यु॑द्यता॒ यज॑त्रा अ॒तक्ष॑न्नाय॒वो न॒व्यसे॑ सम् ।
- 2.031.07c श्र॒वस्य॑वो॒ वाजं॑ च॒कानाः॑ स॒प्तिर्न॑ रथ्यो अ॒ह धी॑तिम॒श्याः ॥
- 2.032.01a अ॒स्य मे॑ द्या॒वापृ॑थि॒वी ऋ॒ताय॑तो भू॒तम॑वि॒त्री व॒चसः॑ सि॒षास॑तः ।
- 2.032.01c य॒योरा॑युः प्र॒तरं॑ ते इ॒दं पु॒र उप॑स्तुते व॒सूयु॑र्वा॒ महो॑ द॒धे ॥
- 2.032.02a मा नो॑ गु॒ह्या रि॑प आ॒योर॑ह॒न्दभ॑न्मा न आ॒भ्यो री॑र॒धो दु॒च्छु॒नाभ्यः॑ ।
- 2.032.02c मा नो॑ वि॒ यौः स॒ख्या वि॒द्धि त॑स्य नः सु॒म्नाय॑ता॒ मन॑सा॒ तत्त्वे॑महे ॥
- 2.032.03a अ॒हेळ॑ता॒ मन॑सा श्रु॒ष्टिमा॑ व॒ह दु॒हानां॑ धे॒नुं पि॒प्युषी॑मसश्च॒तम् ।
- 2.032.03c प॒द्याभि॑राशुं व॒चसा॑ च वा॒जिनं॑ त्वां हि॒नोमि॑ पु॒रुहू॑त वि॒श्वहा॑ ॥
- 2.032.04a रा॒काम॑हं सु॒हवां॑ सु॒ष्टुती॑ हु॒वे शृ॒णोतु॑ नः सु॒भगा॑ बो॒धतु॑ त्मना ।
- 2.032.04c सी॒व्यत्व॑पः सू॒च्याच्छि॑द्य॒मान॑या द॒दातु॑ वी॒रं श॑तदा॒यमु॑क्थ्यम् ॥

- 2.032.05a यास्ते॑ राके॑ सु॒मतयः॑ सु॒पेशसो॑ याभिर्द॑दासि दा॒शुषे॑ वसू॒नि ।
- 2.032.05c ताभिर्नो॑ अ॒द्य सु॒मना॑ उ॒पाग॑हि स॒हस्र॑पोषं सु॒भगे॑ ररा॒णा ॥
- 2.032.06a सिनी॑वालि पृथु॒ष्टुके॑ या दे॒वानाम॑सि स्वसा॑ ।
- 2.032.06c जुष॑स्व ह॒व्यमा॑हुतं प्र॒जां दे॑वि दिदि॒डिढ नः॑ ॥
- 2.032.07a या सु॑बाहुः स्व॒ङ्गुरिः॑ सु॒षूमा॑ बहु॒सूवरी॑ ।
- 2.032.07c तस्यै॑ वि॒श्वप॑त्न्यै ह॒विः सिनी॑वा॒ल्यै जु॑होतन ॥
- 2.032.08a या गु॒ङ्गूया॑ सिनी॒वाली॑ या रा॒का या सर॑स्वती ।
- 2.032.08c इन्द्रा॑णीम॒ह ऊ॒तये॑ वरु॒णानीं॑ स्वस्तये॑ ॥
- 2.033.01a आ ते॑ पि॒तर्म॑रुतां सु॒म्रमे॑तु मा नः॒ सूर्य॑स्य संदृ॒शो यु॑योथाः ।
- 2.033.01c अ॒भि नो॑ वी॒रो अ॒र्वति॑ क्षमे॒त प्र जा॑येमहि रु॒द्र प्र॒जाभिः॑ ॥
- 2.033.02a त्वा॑द॒त्तेभी॑ रु॒द्र श॑न्तमेभिः श॒तं हि॑मा अ॒शीय॑ भेष॒जेभिः॑ ।
- 2.033.02c व्य॑श्मद्द्वेषो॑ वि॒तरं॑ व्य॒हो व्य॑मीवाश्चा॒तय॑स्वा वि॒षूचीः॑ ॥
- 2.033.03a श्रेष्ठो॑ जा॒तस्य॑ रु॒द्र श्रि॒यासि॑ तव॒स्तम॑स्तवसां व॒ज्रबा॑हो ।
- 2.033.03c पर्षि॑ णः पा॒रम॑ह॒सः स्व॑स्ति वि॒श्वा अ॒भीती॑ र॒पसो॑ यु॒योधि॑ ॥
- 2.033.04a मा त्वा॑ रु॒द्र चु॒क्रुधा॑मा न॒मोभि॑र्मा दु॒ष्टुती॑ वृष॒भ मा॑ सहू॒ती ।
- 2.033.04c उ॒न्नो वी॑राँ अ॒र्पय॑ भेष॒जेभि॑र्भिष॒क्तमं॑ त्वा भिष॒जां शृ॑णोमि ॥
- 2.033.05a हवी॑मभिर्ह॒वते॑ यो ह॒विर्भिर॑व स्तो॒मेभी॑ रु॒द्रं दि॑षीय ।

- 2.033.05c ऋदू॒दरः॑ सु॒हवो॑ मा नो॒ अस्यै॑ ब॒भ्रुः सु॒शिप्रो॑ री॒रध॑न्मनायै ॥
- 2.033.06a उ॒न्मा म॑मन्द वृष॒भो म॑रुत्वान्त्व॒क्षीय॑सा व॒यसा॑ नाध॒मानम् ।
- 2.033.06c घृ॒णीव॑ च्छा॒याम॑रपा अ॒शीया॑ वि॒वासे॑यं रु॒द्रस्य॑ सु॒म्रम् ॥
- 2.033.07a क्व॑स्य ते रु॒द्र मृ॒ळ्याकु॑र्हस्तो यो अ॒स्ति भे॑षजो ज॒लाषः॑ ।
- 2.033.07c अ॒पभ॑र्ता र॒पसो॑ दै॒व्यस्या॑भी नु मा वृष॒भ च॑क्ष॒मीथाः॑ ॥
- 2.033.08a प्र ब॒भ्रवे॑ वृष॒भाय॑ श्वि॒तीचे॑ महो म॒हीं सु॑ष्टु॒तिमी॑रयामि ।
- 2.033.08c न॒मस्या॑ क॒ल्मली॑किनं न॒मोभिर्गृ॑णीमसि त्वेषं रु॒द्रस्य॑ नाम ॥
- 2.033.09a स्थि॑रेभि॒रङ्गैः॑ पु॒रुरूप॑ उ॒ग्रो ब॒भ्रुः शु॒क्रेभिः॑ पि॒पिशे॑ हिर॒ण्यैः॑ ।
- 2.033.09c ई॒शाना॑दस्य भु॒वन॑स्य भू॒रेर्न॒ वा उ॑ योष॒द्रुद्रा॑दसु॒र्यम् ॥
- 2.033.10a अ॒र्हन्वि॑भर्षि॒ साय॑कानि ध॒न्वा॒र्हन्नि॑ष्कं य॒जतं॑ वि॒श्वरूप॑म् ।
- 2.033.10c अ॒र्हन्नि॑दं द॒यसे॑ वि॒श्वम॒भ्वं न॒ वा अ॒जीयो॑ रु॒द्र त्व॑दस्ति ॥
- 2.033.11a स्तु॒हि श्रु॑तं ग॒र्तस॑दं यु॒वानं॑ मृ॒गं न॒ भीम॑मु॒पह॑तुमु॒ग्रम् ।
- 2.033.11c मृ॒ळा ज॑रि॒त्रे रु॒द्र स्त॑वानोऽन्यं ते अ॒स्मन्नि॑ व॒पन्तु॑ से॒नाः ॥
- 2.033.12a कु॒मारश्चि॑त्पि॒तरं॑ व॒न्दमा॑नं प्र॒ति ना॑नाम रु॒द्रोप॑यन्तम् ।
- 2.033.12c भू॒रेर्दा॑तारं स॒त्पतिं॑ गृ॒णीषे॑ स्तु॒तस्त्वं॑ भे॒षजा॑ रा॒स्यस्मे॑ ॥
- 2.033.13a या वो॑ भे॒षजा॑ म॒रुतः॑ शु॒चीनि॑ या श॒न्तमा॑ वृष॒णो या॑ म॒योभु॑ ।
- 2.033.13c या॒नि म॒नुर॑वृ॒णीता॑ पि॒ता न॒स्ता शं॑ च योश्च रु॒द्रस्य॑ व॒शिम॑ ॥
- 2.033.14a परि॑ णो हे॒ती रु॒द्रस्य॑ वृ॒ज्याः॑ परि॒ त्वेष॑स्य दु॒र्मति॑र्मही गा॒त् ।

2.033.14c अ॒व॒ स्थि॒रा म॒घव॒द्भ्यस्तनु॒ष्व मी॒ढ्वस्तो॒काय॒ तनया॑य मृ॒ळ ॥

2.033.15a ए॒वा ब॒भ्रो वृ॒षभ॑ चे॒कितान॑ यथा॒ दे॒व न ह॒णीषे॑ न हंसि॑ ।

2.033.15c ह॒वन॒श्रु॒न्नो रु॒द्रेह॑ बो॒धि बृ॒हद्व॒देम॑ वि॒दथे॑ सु॒वीराः॑ ॥

2.034.01a धा॒रा॒वरा॑ म॒रुतो॑ धृ॒ष्णवो॑जसो मृ॒गा न भी॒मास्त॑वि॒षीभि॑र॒र्चिनः॑ ।

2.034.01c अ॒ग्नयो॑ न शु॒शु॒चाना॑ ऋ॒जीषि॑णो भृ॒मिं ध॑मन्तो अ॒प गा॑ अ॒वृ॒णवत॑ ॥

2.034.02a द्या॒वो न स्तृ॑भिश्चि॒तय॑न्त॒ खादि॑नो॒ व्य॒श्रि॒या न द्यु॑तयन्त॒ वृ॒ष्टयः॑ ।

2.034.02c रु॒द्रो यद्वो॑ म॒रुतो॑ रु॒क्मव॑त्तसो वृ॒षाज॑नि पृ॒श्न्याः शु॒क्र ऊ॒धनि॑ ॥

2.034.03a उ॒त्त॑न्ते अ॒श्र्वाँ अ॒त्याँ इ॒वाजि॑षु न॒दस्य॑ क॒र्णैस्तु॑रयन्त॒ आ॒शुभिः॑ ।

2.034.03c हि॒र॒ण्य॑शि॒प्रा म॒रुतो॑ द॒विध्व॑तः पृ॒क्षं या॑थ पृ॒षती॑भिः स॒मन्य॑वः ॥

2.034.04a पृ॒क्षे ता॑ वि॒श्वा भु॒वना॑ व॒वत्ति॑रे मि॒त्राय॑ वा स॒द॒मा जी॑र॒दान॑वः ।

2.034.04c पृ॒षद॑श्चासो अ॒नव॑भ्र॒राध॑स ऋ॒जि॒प्यासो॑ न व॒युने॑षु धूर्ष॑दः ॥

2.034.05a इ॒न्ध॒न्वभि॑र्धे॒नुभी॑ र॒प्शदू॑धभि॒रध्व॑स्मभिः प॒थिभि॑भ्र्राज॒दृष्ट॑यः ।

2.034.05c आ॒ हंसा॑सो न स्व॒सरा॑णि गन्त॒न म॒धो॒र्मदा॑य म॒रुतः॑ स॒मन्य॑वः ॥

2.034.06a आ॒ नो ब्र॑ह्मा॒णि म॒रुतः॑ स॒मन्य॑वो न॒रां न शंसः॑ स॒वनानि॑ गन्त॒न ।

2.034.06c अ॒श्वामि॑व पि॒प्यत॑ धे॒नुमू॑धनि॒ कर्ता॑ धि॒यं ज॑रि॒त्रे वा॑ज॒पेश॑सम् ॥

2.034.07a तं नो॑ दा॒त म॒रुतो॑ वा॒जिनं॑ रथ॒ आपा॑नं ब्रह्म॒ चि॒तय॑द्वि॒वेदि॑वे ।

2.034.07c इ॒षं स्तो॑तृ॒भ्यो वृ॒जने॑षु का॒रवे॑ स॒निं मे॒धाम॑रि॒ष्टं दु॒ष्टरं॑ स॒हः ॥



- 2.034.08a यद्युञ्जते मरुतो रुक्मवक्षसोऽश्वात्रथेषु भग आ सुदानवः ।
- 2.034.08c धेनुर्न शिश्वे स्वसरेषु पिन्वते जनाय रातहविषे महीमिषम् ॥
- 2.034.09a यो नो मरुतो वृकताति मर्त्यो रिपुर्दधे वसवो रक्षता रिषः ।
- 2.034.09c वर्तयत तपुषा चक्रियाभि तमव रुद्रा अशसो हन्तना वधः ॥
- 2.034.10a चित्रं तद्वो मरुतो याम चेकिते पृश्न्या यदूधरप्यापयो दुहुः ।
- 2.034.10c यद्वा निदे नवमानस्य रुद्रियास्त्रितं जराय जुरतामदाभ्याः ॥
- 2.034.11a तान्वो महो मरुत एवयान्नो विष्णोरेषस्य प्रभृथे हवामहे ।
- 2.034.11c हिरण्यवर्णान्कुकुहान्यतस्रुचो ब्रह्मण्यन्तः शंस्यं राध ईमहे ॥
- 2.034.12a ते दशग्वाः प्रथमा यज्ञमूहिरे ते नो हिन्वन्तूषसो व्युष्टिषु ।
- 2.034.12c उषा न रामीररुणैरपोणुति महो ज्योतिषा शुचता गोअर्णसा ॥
- 2.034.13a ते क्षोणीभिररुणेभिर्नाञ्जिभी रुद्रा ऋतस्य सदनेषु वावृधुः ।
- 2.034.13c निमेघमाना अत्येन पाजसा सुश्चन्द्रं वर्णं दधिरे सुपेशसम् ॥
- 2.034.14a ताँ इयानो महि वरूथमूतय उप घेदेना नमसा गृणीमसि ।
- 2.034.14c त्रितो न यान्पञ्च होतृनभिष्टय आववर्तदवराञ्चक्रियावसे ॥
- 2.034.15a यया रधं पारयथात्यंहो यया निदो मुञ्चथ वन्दितारम् ।
- 2.034.15c अर्वाची सा मरुतो या व ऊतिरो षु वाश्रेव सुमतिर्जिगातु ॥
- 2.035.01a उपेमसृत्ति वाजयुर्वचस्यां चनो दधीत नाद्यो गिरो मे ।

- 2.035.01c अ॒पां॑ न॒पादा॑शु॒हेमा॑ कु॒वित्स॑ सु॒पेश॑सस्करति जोषिषद्धि ॥
- 2.035.02a इ॒मं स्व॑स्मै हृ॒द आ॑ सु॒तष्टं॑ म॒न्त्रं वो॑चेम कु॒विद॑स्य वे॒दत् ।
- 2.035.02c अ॒पां न॒पाद॑सु॒र्यस्य॑ म॒ह्ना वि॒श्वान्य॑र्यो भुवना जजान ॥
- 2.035.03a स॒मन्या॑ यन्त्यु॒प यन्त्य॑न्याः स॒मान॑मूर्व नद्यः पृ॒णन्ति॑ ।
- 2.035.03c त॒मू शु॒चिं शु॒चयो॑ दी॒दिवांस॑मपां नपातं परि तस्थुरापः ॥
- 2.035.04a त॒मस्मे॑रा यु॒वत॑यो यु॒वानं॑ म॒र्मृज्य॑मानाः परि यन्त्यापः ।
- 2.035.04c स शु॒क्रेभिः॑ शि॒क्वभी॑ रे॒वद॑स्मे दी॒दाया॑निध्मो घृ॒तनि॑र्णिर्गप्सु ॥
- 2.035.05a अ॒स्मै ति॒स्रो अ॒व्यथ्या॑य ना॒रीर्दे॑वाय दे॒वीर्दि॑धिषन्त्यन्नम् ।
- 2.035.05c कृ॒ता इ॒वोप॑ हि प्र॒सर्त्त्रे॑ अ॒प्सु स॑ पी॒यूषं॑ धयति पू॒र्वसू॑नाम् ॥
- 2.035.06a अ॒श्वस्या॑त्र ज॒निमा॑स्य च स्व॒र्द्रु॑हो रिषः स॒म्पृचः॑ पाहि सू॒रीन् ।
- 2.035.06c आ॒मासु॑ पू॒र्षु प॑रो अ॒प्रमृ॑ष्यं ना॒रात॑यो वि न॒शन्ना॑नृतानि ॥
- 2.035.07a स्व आ॑ द॒मे सु॒दुघा॑ यस्य धे॒नुः स्व॒धां पी॑पाय सु॒भ्वन्न॑मत्ति ।
- 2.035.07c सो अ॒पां न॒पादूर्ज॑यन्न॒प्स्वश्न्त॑र्वसु॒देया॑य वि॒धते॑ वि भा॒ति ॥
- 2.035.08a यो अ॒प्स्वा शु॒चिना॑ दै॒व्येन॑ ऋ॒तावा॑जस्र उ॒र्विया॑ विभाति ।
- 2.035.08c व॒या इ॒दन्या॑ भुव॒नान्य॑स्य प्र जा॒यन्ते॑ वी॒रुध॑श्च प्र॒जाभिः॑ ॥
- 2.035.09a अ॒पां न॒पादा॑ ह्य॒स्थादु॑प॒स्थं जि॒ह्वाना॑मू॒ध्वो वि॒द्युतं॑ व॒सानः॑ ।
- 2.035.09c तस्य॑ ज्येष्ठं म॒हिमा॑नं व॒हन्ती॑र्हि॒रग्य॑वर्णाः परि यन्ति य॒हीः ॥
- 2.035.10a हि॒रग्य॑रूपः स हि॒रग्य॑सं॒दृग॑पां नपात्सेदु हि॒रग्य॑वर्णाः ।

- 2.035.10c हिरण्ययात्परि योनेर्निषद्या हिरण्यदा ददत्यन्नमस्मै ॥
- 2.035.11a तदस्यानीकमुत चारु नामापीच्यं वर्धते नष्टुरपाम् ।
- 2.035.11c यमिन्धते युवतयः समित्था हिरण्यवर्णं घृतमन्नमस्य ॥
- 2.035.12a अस्मै बहूनामवमाय सख्ये यज्ञैर्विधेम नमसा हविर्भिः ।
- 2.035.12c सं सानु माज्जिर्म दिधिषामि बिल्मैर्दधाम्यन्नैः परि वन्द ऋग्भिः ॥
- 2.035.13a स ई वृषाजनयत्तासु गर्भं स ई शिशुर्धयति तं रिहन्ति ।
- 2.035.13c सो अपां नपादनभिम्लातवर्णोऽन्यस्येवेह तन्वा विवेष ॥
- 2.035.14a अस्मिन्पदे परमे तस्थिवांसमध्वस्मभिर्विश्वहा दीदिवांसम् ।
- 2.035.14c आपो नप्त्रे घृतमन्नं वहन्तीः स्वयमत्कैः परि दीयन्ति यद्हीः ॥
- 2.035.15a अयांसमग्ने सुक्षितिं जनायायांसमु मघवद्भ्यः सुवृक्तिम् ।
- 2.035.15c विश्वं तद्भद्रं यदवन्ति देवा बृहद्वदेम विदथे सुवीराः ॥
- 2.036.01a तुभ्यं हिन्वानो वसिष्ठ गा अपोऽधुत्तन्सीमविभिरद्रिभिर्नरः ।
- 2.036.01c पिबेन्द्र स्वाहा प्रहुतं वषट्कृतं होत्रादा सोमं प्रथमो य ईशिषे ॥
- 2.036.02a यज्ञैः सम्मिक्षाः पृषतीभिर्ऋष्टिभिर्यामञ्छुभ्रासो अञ्जिषु प्रिया उत ।
- 2.036.02c आसद्या बर्हिर्भरतस्य सूनवः पोत्रादा सोमं पिबता दिवो नरः ॥
- 2.036.03a अमेव नः सुहवा आ हि गन्तन नि बर्हिषि सदतना रणिष्टन ।
- 2.036.03c अथा मन्दस्व जुजुषाणो अन्धसस्त्वष्टदेविर्जनिभिः सुमद्गणः ॥

- 2.036.04a आ व॒क्षि दे॒वाँ इ॒ह वि॒प्र य॒क्षि चो॒शन्हो॒तर्नि ष॒दा यो॒निषु त्रि॒षु ।
- 2.036.04c प्र॒ति वी॒हि प्र॒स्थितं॑ सो॒म्यं म॒धु पि॒बाग्नी॑ध्रा॒त्तव भा॒गस्य॑ तृ॒प्णुहि ॥
- 2.036.05a ए॒ष स्य॑ ते॒ तन्वो॑ नृ॒मृणा॑व॒र्धनः॑ सह॒ अ॒जः प्र॒दिवि॑ बा॒होर्हितः॑ ।
- 2.036.05c तु॒भ्यं सु॒तो म॒घवन्तु॑भ्यमा॒भृत॑स्त्वमस्य॒ ब्राह्म॑णादा॒ तृप॑त्पिब ॥
- 2.036.06a जु॒षेथां॑ य॒ज्ञं बो॒धतं॑ ह॒वस्य॑ मे स॒त्तो हो॒ता नि॒विदः॑ पू॒र्व्या अ॒नु ।
- 2.036.06c अ॒च्छा रा॒जाना॑ नम॒ एत्या॑वृतं॒ प्रशा॑स्त्रादा॒ पिब॑तं सो॒म्यं म॒धु ॥
- 2.037.01a म॒न्दस्व॑ हो॒त्राद॒नु जो॒षम॒न्धसोऽध्व॑र्यवः स पू॒र्णा व॒ष्ट्यासि॑चम् ।
- 2.037.01c तस्मा॑ ए॒तं भ॒रत॑ तद्व॒शो द॒दिहो॑त्रात्सोमं॒ द्रवि॑णोदः॒ पिब॑ ऋ॒तुभिः ॥
- 2.037.02a यमु॑ पू॒र्वम॒हुवे॑ तमिदं॒ हुवे॑ से॒दु ह॒व्यो द॒दिर्यो॑ नाम॒ पत्य॑ते ।
- 2.037.02c अ॒ध्वर्यु॑भिः प्र॒स्थितं॑ सो॒म्यं म॒धु पो॒त्रात्सोमं॑ द्रवि॒णोदः॑ पिब॑ ऋ॒तुभिः ॥
- 2.037.03a मे॒घन्तु॑ ते व॒ह्यो ये॒भिरी॑यसेऽरि॒षण्य॑न्वीळ्य॒स्वा व॒नस्प॑ते ।
- 2.037.03c आ॒यूया॑ धृ॒ष्णो अ॒भिगू॑र्या॒ त्वं ने॒ष्ट्रात्सोमं॑ द्रवि॒णोदः॑ पिब॑ ऋ॒तुभिः ॥
- 2.037.04a अ॒पाद्धो॑त्रादु॒त पो॒त्राद॑मत्तो॒त ने॒ष्ट्राद॑जुष॒त प्र॒यो हि॒तम् ।
- 2.037.04c तु॒रीयं॑ पा॒त्रम॑मृ॒क्तम॑मर्त्यं॒ द्रवि॑णोदाः॒ पिब॑तु द्रावि॒णोद॑सः ॥
- 2.037.05a अ॒र्वाञ्च॑मद्य॒ यय्यं॑ नृ॒वाह॑णं॒ रथं॑ यु॒ञ्जाथा॑मिह॒ वां वि॒मोच॑नम् ।
- 2.037.05c पू॒ङ्गं ह॒वींषि॑ म॒धुना॑ हि॒ कं ग॑तमथा॒ सोमं॑ पिब॑तं वा॒जिनी॑वसू ॥
- 2.037.06a जो॒ष्यन्ने॑ स॒मिधं॑ जो॒ष्या॑हुतिं॒ जोषि॑ ब्र॒ह्म ज॒न्यं जोषि॑ सु॒ष्टुति॑म् ।

- 2.037.06c विश्वेभिर्विश्वाँ ऋतुना वसो मह उशन्देवाँ उशतः पायया हविः ॥
- 2.038.01a उदु ष्य देवः सविता सवाय शश्वत्तमं तदपा वह्निरस्थात् ।
- 2.038.01c नूनं देवेभ्यो वि हि धाति रत्नमथाभजद्वीतिहोत्रं स्वस्तौ ॥
- 2.038.02a विश्वस्य हि श्रुष्टये देव ऊर्ध्वः प्र बाहवा पृथुपाणिः सिसर्ति ।
- 2.038.02c आपश्चिदस्य व्रत आ निमृग्रा अयं चिद्धातो रमते परिज्मन् ॥
- 2.038.03a आशुभिश्चिद्यान्वि मुचाति नूनमरीरमदतमानं चिदेतोः ।
- 2.038.03c अह्यर्षूणां चिन्त्ययाँ अविष्यामनु व्रतं सवितुर्मोक्ष्यागात् ॥
- 2.038.04a पुनः समव्यद्विततं वयन्ती मध्या कर्तोर्न्यधाच्छक्म धीरः ।
- 2.038.04c उत्संहायास्थाद्वृष्टूरधररमतिः सविता देव आगात् ॥
- 2.038.05a नानौकांसि दुर्यो विश्वमायुर्वि तिष्ठते प्रभवः शोको अग्नेः ।
- 2.038.05c ज्येष्ठं माता सूनवे भागमाधादन्वस्य केतमिषितं सवित्रा ॥
- 2.038.06a समाववर्ति विष्टितो जिगीषुर्विश्वेषां कामश्चरताममाभूत् ।
- 2.038.06c शश्वौ अपो विकृतं हित्व्यागादनु व्रतं सवितुर्देव्यस्य ॥
- 2.038.07a त्वया हितमप्यमप्सु भागं धन्वान्वा मृगयसो वि तस्थुः ।
- 2.038.07c वनानि विभ्यो नकिरस्य तानि व्रता देवस्य सवितुर्मिनन्ति ॥
- 2.038.08a याद्राध्यंश् वरुणो योनिमप्यमनिशितं निमिषि जर्भुराणः ।
- 2.038.08c विश्वो मार्ताण्डो व्रजमा पशुर्गात्स्थशो जन्मानि सविता व्याकः ॥

- 2.038.09a न॒ यस्येन्द्रो॑ वरु॒णो न॒ मित्रो॑ व्रतम॒र्यमा॑ न॒ मिनन्ति॑ रु॒द्रः ।
- 2.038.09c ना॒रा॒तय॑स्तमिदं॒ स्वस्ति॑ हु॒वे दे॒वं स॑वि॒तारं॑ न॒मोभिः॑ ॥
- 2.038.10a भ॒गं धि॒यं वा॒जय॑न्तः॒ पुरं॑धिं॒ नरा॑शंसो॒ ग्रास्प॑तिर्नो॒ अ॒व्याः ।
- 2.038.10c आ॒र्ये वा॒मस्य॑ सं॒गथे॑ र॒यीणां॑ प्रि॒या दे॒वस्य॑ स॒वितुः॑ स्याम ॥
- 2.038.11a अ॒स्मभ्यं॑ तद्वि॒वो अ॒द्भ्यः॑ पृथि॒व्यास्त्वया॑ दत्तं॒ काम्यं॑ रा॒घ आ॑ गात् ।
- 2.038.11c शं॒ यत्स्तो॑तृभ्य॒ आप॑ये॒ भवा॑त्युरु॒शंसा॑य स॒वितर्ज॑रित्रे ॥
- 2.039.01a ग्रा॒वा॒णो॒व तदि॑दर्थं॒ जरे॑थे॒ गृध्रे॑व वृ॒द्धं नि॑धि॒मन्त॑मच्छ ।
- 2.039.01c ब्र॒ह्मा॒णो॒व वि॑दथ॒ उक्थ॑शासा॒ दू॒ते॒व ह॒व्या ज॒न्या पु॑रु॒त्रा ॥
- 2.039.02a प्रा॒तर्या॑वा॒णा र॒थ्ये॒व वी॒रा॒जे॒व य॒मा व॒र॒मा स॑चे॒थे ।
- 2.039.02c मे॒ने इ॒व त॒न्वा॒श् शु॒म्भ॒मा॒ने द॑म्प॒ती॒व क्र॑तु॒वि॒दा ज॒नेषु॑ ॥
- 2.039.03a शृ॒ङ्गे॒व नः॑ प्रथ॒मा ग॑न्त॒मर्वा॑क्छ॒फा॒वि॒व ज॒र्भुरा॑णा॒ तरो॑भिः ।
- 2.039.03c च॒क्र॒वा॒के॒व प्र॑ति॒ वस्तो॑रु॒स्त्रा॒वा॒ञ्चा या॑तं॒ रथ्ये॑व श॒क्रा ॥
- 2.039.04a ना॒वे॒व नः॑ पा॒रय॑तं॒ यु॒गे॒व न॒भ्ये॒व न॒ उप॑धी॒व प्र॑धी॒व ।
- 2.039.04c श्वा॒ने॒व नो॑ अ॒रि॑ष॒णया॑ त॒नूनां॑ खृ॒गले॑व॒ वि॒स्र॑सः॒ पा॒त॒म॒स्मान् ॥
- 2.039.05a वा॒ते॒वा॒जु॒र्या न॑द्ये॒व री॒ति॒र॒क्षी॑ इ॒व च॑क्षु॒षा या॑त॒मर्वा॑क् ।
- 2.039.05c ह॒स्ता॒वि॒व त॒न्वे॑श् श॒म्भ॒वि॒ष्ठा पा॑दे॒व नो॑ न॒यतं॑ व॒स्यो॑ अ॒च्छ ॥
- 2.039.06a ओ॒ष्ठा॒वि॒व म॒ध्वा॒स्त्रे व॑द॒न्ता॑ स्त॒ना॒वि॒व पि॑प्य॒तं जी॒वसे॑ नः ।

- 2.039.06c नासेव॑ नस्तन्वो॑ रक्षितारा॑ कर्णा॑विव सु॒श्रुता॑ भू॒तम॑स्मे ॥
- 2.039.07a ह॒स्तेव॑ शक्ति॑मभि॒ संद॑दी नः॒ क्षामे॑व नः॒ सम॑जतं रजांसि॑ ।
- 2.039.07c इ॒मा गि॑रो अ॒श्विना॑ युष्म॒यन्तीः॑ द्यो॒त्रेण॑ेव स्वधि॑तिं सं शि॒शीत॑म् ॥
- 2.039.08a ए॒तानि॑ वाम॒श्विना॑ वर्ध॒नानि॑ ब्रह्म॒ स्तोमं॑ गृ॒त्सम॑दासो अ॒क्रन् ।
- 2.039.08c तानि॑ नरा जु॒जुषा॑णोप॒ यातं॑ बृ॒हद्व॑देम वि॒दथे॑ सु॒वीराः॑ ॥

- 2.040.01a सो॒मापू॑षणा॒ जन॑ना रयी॒णां जन॑ना दि॒वो जन॑ना पृथि॒व्याः ।
- 2.040.01c जा॒तौ वि॒श्वस्य॑ भुवन॒स्य गो॒पौ दे॒वा अ॒कृण॑वन्नमृ॒तस्य॑ नाभि॒म् ॥
- 2.040.02a इ॒मौ दे॒वौ जा॑यमानौ जुषन्ते॒मौ तमांसि॑ गू॒हता॑मजु॒ष्टा ।
- 2.040.02c आ॒भ्यामि॑न्द्रः प॒क्वमा॑मास्वन्तः सो॒मापू॑षभ्यां॒ जन॑दु॒स्त्रिया॑सु ॥
- 2.040.03a सो॒मापू॑षणा॒ रज॑सो वि॒मानं॑ स॒प्तच॑क्रं रथ॒मवि॑श्वमि॒न्वम् ।
- 2.040.03c वि॒षूवृ॑तं॒ मन॑सा यु॒ज्यमा॑नं तं जि॒न्वथो॑ वृषणा॒ पञ्च॑र॒श्मिम् ॥
- 2.040.04a दि॒व्यश्न्यः॑ स॒दनं॑ च॒क्र उ॒च्चा पृ॑थि॒व्याम॑न्यो अ॒ध्यन्त॑रि॒क्षे ।
- 2.040.04c ताव॑स्मभ्यं॒ पुरु॑वारं॒ पुरु॑क्षुं॒ राय॑स्पोषं॒ वि ष्य॑तां॒ नाभि॑मस्मे ॥
- 2.040.05a वि॒श्वान्य॑न्यो भुव॒ना ज॒जान॑ वि॒श्वम॑न्यो अ॒भिच॑क्षा॒ण ए॒ति ।
- 2.040.05c सो॒मापू॑षणा॒वव॑तं॒ धियं॑ मे यु॒वाभ्यां॑ वि॒श्वाः पृ॑तना जयेम ॥
- 2.040.06a धियं॑ पू॒षा जि॒न्वतु॑ वि॒श्वमि॑न्वो रयिं॒ सोमो॑ रयि॒पति॑र्दधातु ।
- 2.040.06c अ॒वतु॑ दे॒व्यदि॑तिर॒नर्वा बृ॒हद्व॑देम वि॒दथे॑ सु॒वीराः॑ ॥

- 2.041.01a वा॒यो॒ ये॒ ते॒ स॒ह॒स्रि॒णो॒ र॒था॒स॒स्ते॒भि॒रा॒ ग॒हि॒ ।
- 2.041.01c नि॒यु॒त्वान्॒सो॒म॒पी॒त॒ये ॥
- 2.041.02a नि॒यु॒त्वान्वा॒य॒वा॒ ग॒ह्य॒यं॒ शु॒क्रो॒ अ॒या॒मि॒ ते॒ ।
- 2.041.02c ग॒न्ता॒सि॒ सु॒न्व॒तो॒ गृ॒ह॒म् ॥
- 2.041.03a शु॒क्र॒स्या॒द्य॒ ग॒वा॒शि॒र॒ इ॒न्द्र॒वा॒यू॒ नि॒यु॒त्व॒तः॒ ।
- 2.041.03c आ॒ या॒तं॒ पि॒ब॒तं॒ न॒रा ॥
- 2.041.04a अ॒यं॒ वां॒ मि॒त्रा॒व॒रु॒णा॒ सु॒तः॒ सो॒म॒ ऋ॒ता॒वृ॒धा॒ ।
- 2.041.04c म॒मे॒दि॒ह॒ श्रु॒तं॒ ह॒व॒म् ॥
- 2.041.05a रा॒जा॒ना॒व॒न॒भि॒द्रु॒हा॒ ध्रु॒वे॒ स॒द॒स्यु॒त्त॒मे॒ ।
- 2.041.05c स॒ह॒स्र॒स्थू॒ण॒ आ॒सा॒ते ॥
- 2.041.06a ता॒ स॒म्रा॒जा॒ घृ॒ता॒सु॒ती॒ आ॒दि॒त्या॒ दा॒नु॒न॒स्प॒ती॒ ।
- 2.041.06c स॒चे॒ते॒ अ॒न॒व॒ह॒र॒म् ॥
- 2.041.07a गो॒म॒दू॒षु॒ ना॒स॒त्या॒श्व॒व॒द्या॒त॒म॒श्वि॒ना॒ ।
- 2.041.07c वर्ती॑ रु॒द्रा॒ नृ॒पा॒य्य॒म् ॥
- 2.041.08a न॒ य॒त्प॒रो॒ ना॒न्त॒र॒ आ॒द॒ध॒र्ष॑द्वृष॒ण॒व॒सू॒ ।
- 2.041.08c दुःशं॑सो॒ म॒र्त्यो॑ रि॒पुः ॥
- 2.041.09a ता॒ न॒ आ॒ वो॒ळ्ह॑मश्वि॒ना॒ र॒यिं॒ पि॒श॒ङ्ग॑सं॒दृ॒श॒म् ॥



- 2.041.09c धिष्ण्या॑ वरिवो॑विदम् ॥
- 2.041.10a इन्द्रो॑ अ॒ङ्ग॒ मह॒द्भय॑मभी॒ षद॑प॒ चुच्य॑वत् ।
- 2.041.10c स हि॑ स्थि॒रो वि॒चर्ष॑णिः ॥
- 2.041.11a इन्द्रश्च॑ मृ॒ळ्याति॑ नो॒ न नः॑ पश्चा॒दघं॑ नशत् ।
- 2.041.11c भद्रं॑ भवा॒ति नः॑ पु॒रः ॥
- 2.041.12a इन्द्र॑ आशा॒भ्यस्परि॑ सर्वा॒भ्यो अ॒भयं॑ करत् ।
- 2.041.12c जेता॑ शत्रू॒न्विच॑र्षणिः ॥
- 2.041.13a विश्वे॑ दे॒वास आ॒ गत॑ शृ॒णुता॑ म॒ इमं॑ हवम् ।
- 2.041.13c एदं॑ ब॒र्हिर्नि॑ षी॒दत ॥
- 2.041.14a ती॒व्रो वो॑ म॒धुमाँ॑ अ॒यं शु॒नहो॑त्रेषु॒ मत्सरः॑ ।
- 2.041.14c एतं॑ पि॒बत॑ का॒म्यम् ॥
- 2.041.15a इन्द्र॑ज्ये॒ष्ठा मरु॑द्ग॒णा दे॒वासः॑ पू॒षरा॑तयः ।
- 2.041.15c विश्वे॑ म॒म श्रु॒ता ह॒वम् ॥
- 2.041.16a अ॒म्बित॑मे॒ नदी॑तमे॒ दे॒वित॑मे॒ सर॑स्वति ।
- 2.041.16c अ॒प्रश॑स्ता॒ इव॑ स्म॒सि प्र॑श॒स्तिम॑म्ब॒ नस्कृ॑धि ॥
- 2.041.17a त्वे॑ विश्वा॒ सर॑स्वति॒ श्रिता॑यू॒षि दे॒व्याम् ।
- 2.041.17c शु॒नहो॑त्रेषु॒ मत्स्व॑ प्र॒जां दे॒वि दि॑दि॒डिढ॑ नः ॥
- 2.041.18a इ॒मा ब्र॑ह्म॒ सर॑स्वति॒ जुष॑स्व॒ वाजि॑नीवति ।

- 2.041.18c या ते मन्म गृत्समदा ऋतावरि प्रिया देवेषु जुहति ॥
- 2.041.19a प्रेतां यज्ञस्य शम्भुवा युवामिदा वृणीमहे ।
- 2.041.19c अग्निं च हव्यवाहनम् ॥
- 2.041.20a द्यावा नः पृथिवी इमं सिध्रमद्य दिविस्पृशम् ।
- 2.041.20c यज्ञं देवेषु यच्छताम् ॥
- 2.041.21a आ वामुपस्थमद्रुहा देवाः सीदन्तु यज्ञियाः ।
- 2.041.21c इहाद्य सोमपीतये ॥
- 2.042.01a कनिक्रदज्जनुषं प्रब्रुवाण इयर्ति वाचमरितेव नावम् ।
- 2.042.01c सुमङ्गलश्च शकुने भवासि मा त्वा का चिदभिभा विश्व्या विदत् ॥
- 2.042.02a मा त्वा श्येन उद्वधीन्मा सुपर्णो मा त्वा विददिषुमान्वीरो अस्ता ।
- 2.042.02c पित्र्यामनु प्रदिशं कनिक्रदत्सुमङ्गलो भद्रवादी वदेह ॥
- 2.042.03a अत्र क्रन्द दक्षिणतो गृहाणां सुमङ्गलो भद्रवादी शकुन्ते ।
- 2.042.03c मा न स्तेन ईशत माघशंसो बृहद्वदेम विदथे सुवीराः ॥
- 2.043.01a प्रदक्षिणिदभि गृणन्ति कारवो वयो वदन्त ऋतुथा शकुन्तयः ।
- 2.043.01c उभे वाचौ वदति सामगा इव गायत्रं च त्रैष्टुभं चानु राजति ॥
- 2.043.02a उद्गातेव शकुने साम गायसि ब्रह्मपुत्र इव सवनेषु शंससि ।

- 2.043.02c वृषे॑व वा॒जी शि॒शु॒मती॑रपी॒त्या॒ सर्व॑तो॒ नः॒ शकु॑ने॒ भद्र॑मा॒ वद॑ वि॒श्वतो॑ नः॒ शकु॑ने॒ पुण्य॑मा॒ वद॑ ॥
- 2.043.03a आ॒वदँ॑स्त्वं शकु॑ने॒ भद्र॑मा॒ वद॑ तूष्णी॑मासी॒नः॒ सुम॑तिं चि॒किद्धि॑ नः ।
- 2.043.03c यदु॑त्पतन्वद॒सि कर्करि॑र्यथा॒ बृहद्व॑दे॒म वि॒दथे॑ सु॒वीराः॑ ॥

Notes by [Detlef Eichler](mailto:detlefeichler@googlemail.com) (detlefeichler@googlemail.com):

1. Please note that this PDF file is not for commercial use and released only for personal scholarly activity.
2. This Devanāgarī version of Rigveda is from an ITRANS file which I have created on the basis of [The Aufrecht/van Nooten/Holland \(Samhita\) version of the Rigveda](http://www.people.fas.harvard.edu/~witzel/onlineRV.htm). (<http://www.people.fas.harvard.edu/~witzel/onlineRV.htm>)
3. The font used for the Rigveda text is Ancient Sanskrit 99. For the numbers of Maṇḍala, Sūkta, and Mantra at the beginning of each line (1.001.01a) the font Times New Roman is used.
4. Last updated: 26 March 2009